



今詩所見集選

七

19
191
7

館書圖學大田裕早
號 第書托寄
庫 第
號 209 第
册 7 第



門 40
號 191
卷 7



今詩所見集選 卷十三

古歛黃承增心盒甫輯

先福 芝圃滿洲正白旗人雪堂錦城白下詩集

櫛山詩話方伯昔守黃州風流文彩人豔稱之
廉訪蜀中治戎旁午亦不廢稱詩焉所作淵源
尊甫蕉園先生又得芝崖高士為之兄故醇雅
有法談藝最嚴不輕許可人于為政亦然近有
居官格言之刻飭勵江東僚屬大端以能儉則
廉為主而於士子誠勿輕施夏楚尤諄諄致意
治體所關培養益非淺鮮是唐元次山宋真西
山一種文字頃余謁方伯於金陵一見留飲署
西之瞻園劇談古今塵尾辟易余賦贈兩詩云
龍門今喜獲躋攀酌醉寒暄語盡刪案拍不
詩裏畫屐陪更看雨中山渾忘行省平章署得
坐古松流水間若比謝公逾跌宕絕無絲竹祇

蕭閒公之政學兩相通未肯庸庸與俗同治譜
銘教陳座右為屏頌已徹江東雪堂風月牽詩
夢錦水弓刀紀戰功攜取平泉一品集僧窻吟
盡蠟燈紅方伯次韻云詩才雅度兩難攀相見
浮文不待刪先集荷君收入梓深情遠此日瞻
山交聯世味酸鹹外品在秋峯澹遠間此日瞻
園欣握手清談半刻為偷閒平生芳訊未會通
枉顧論文意見同穿徑不驚羣鶴舞登臺偶過
小橋東愧從蜀道留詩句敢向荆南說戰功倘
愛此間風景好頻來共剪燭花紅右皆直抒胸
膈語圓美如彈丸脫手而吐握高懷亦可概見矣

早春黃梅途次喜雨之什

時雨喜綿綿農忙爭耩耨好鳥鳴樹巔翠麥鋪畦
秀雲幕青山深泉漱白石瘦尋徑採芷蘭幽香濕

襟袖

孫蓮水曰
結最悠然

余製赤壁圖瓷樽同人俱以詩讚因答之

楚江北岸多勝迹臨江一峰名赤壁坡公已逝幾
百秋過者歎息無由覩余於已西來黃州仰觀嗟
峨雲翠積攀登一望大江東身若飛昇萬慮寂周
郎戰場是耶非依稀聞有人吹笛坡公兩賦記勝
游或秋或冬俱望夕今我繪圖陶酒樽一時見者
皆賞擊把酒宛然登高峰風月無邊景歷歷同人

今言所身集裝
共○醉○雪○堂○前○摩○沙○弗○已○相○嘖○嘖○謬○承○雅○讚○應○不○虛○
而○我○豈○如○鄙○夫○嗇○酒○闌○月○上○客○皆○醉○欣○然○懷○袖○各○
一○隻○

儲玉琴曰器雅又兼雅什安得不傳。清霽亭曰與會淋漓不枝不蔓。

遲王雲上見過久不至次來詩韻

公○餘○閒○把○卷○寂○寂○對○寒○花○忽○報○來○詞○客○飛○牋○到○我○
家○呼○童○急○煮○酒○掃○徑○動○棲○鴉○不○意○仙○舟○杳○茫○茫○煙○
水○涯○

櫛山詩話雲上贈梅庫大令詩有云吾道行於江漢間又云道行感動太守及學使正此時也

方伯麟才盛心四十字足見一斑

冬夜有感寄五兄芝崖

燕○山○楚○樹○渺○雲○煙○想○念○情○殷○寄○錦○箋○塞○上○傷○離○會○
五○載○江○干○悵○別○復○三○年○魂○消○寂○寂○吹○簫○夜○夢○斷○悠○
悠○度○鴈○天○何○日○馬○嘶○鄉○國○路○談○詩○重○得○對○床○眠○

張蟬谿曰情摯語真不在雕鏤字句

寄田表姊夫都護

三○年○小○別○繫○離○思○每○憶○灤○陽○話○舊○時○寒○夜○幾○回○同○
置○酒○清○齋○何○日○共○彈○碁○雪○堂○吏○俗○詩○成○少○楚○水○雲○

今詩所見集選
深○雁○到○遲○惟○望○故○人○持○使○節○南○來○重○得○共○啣○卮○

張水屋曰。清氣縈紆。

題孫嘯壑琴師照冊

翠○竹○蒼○松○亂○石○顛○白○雲○靄○靄○繞○晴○川○宣○情○藉○有○琴○
三○尺○理○性○仍○持○梵○一○編○可○是○伯○喈○憐○爨○火○故○教○玄○
鶴○唳○秋○煙○落○霞○流○水○卽○般○若○養○氣○心○怡○次○第○禪○

周醒愚曰。琴心禪理融會貫通。

次韻祖舫齋方伯黃州之作

日○祝○南○湘○露○布○馳○頻○聞○畫○角○倚○樓○吹○贊○襄○軍○政○愁○

無○術○望○重○韜○鈴○幸○有○師○晉○地○遺○風○民○愛○戴○楚○江○新○
治○俗○更○移○自○慚○瘦○馬○悲○秋○感○黃○葉○黃○花○暮○雨○時○

櫛山詩話。舫齋先生元作云。百八江程一口馳。蒲帆葉葉緒風吹。三年再作黃州客。千里來參玉版師。西塞魚肥新漲落。東坡艸長舊磯移。中流叠鼓鳴笳處。赤壁城頭日暮時。工力悉敵也。

和楊荔裳方伯監臨元韻

金○殿○曾○聞○對○策○時○千○官○共○仰○玉○堂○姿○却○將○天○馬○行○
空○志○來○賦○春○蠶○食○葉○詩○坐○鎮○文○壇○多○士○重○扶○輪○大○
雅○寸○心○知○追○隨○自○愧○風○塵○面○見○獵○徒○勞○有○所○思○

送別朱醉竹歸里次留別韻

四首選三

今詩所見集選
四
江○城○唱○和○一○時○春○君○去○而○今○少○兩○人○離○合○不○常○從○
古○事○數○聲○風○笛○送○歸○塵○

芝圃自註去歲何曙亭歸里

春○風○桃○柳○共○相○憐○江○上○溶○溶○月○照○船○兩○岸○綠○深○牽○
帶○恨○百○壺○清○酒○聽○鳴○蟬○

垂○條○夾○岸○柳○絲○絲○會○碧○堂○開○醒○酒○池○雨○洗○芭○蕉○新○
葉○綠○囑○君○先○寫○別○離○詩○

何春渚曰雨洗十四字送別詩中另一畦逕

和孫蓮水邯鄲途次作

黃○梁○一○夢○夢○中○看○夢○裏○機○關○醒○自○難○忝○破○此○身○原○
寄○夢○不○妨○酣○枕○睡○邯○鄲○

王雲上曰高曠是選佛場中人

秋○柳○四○首

嬾○嬾○絲○垂○月○隱○橋○西○風○消○瘦○小○蠻○腰○可○憐○誰○聽○新○
歌○曲○鶯○去○徒○存○翠○獨○搖○
長○恨○金○風○夜○送○秋○曲○江○衙○畔○又○添○愁○銷○魂○涼○雨○清○
霜○見○難○與○行○人○記○遠○郵○

橋○畔○柔○條○煙○染○華○夕○陽○影○裏○伴○漁○家○桃○妃○已○逐○春○

風去澹月梢頭酒旆斜

錢玉魚曰夕陽影裏伴漁家七字漁洋秋柳唱和數百首無此妙句余仿此意繪圖微題甚夥
半迎半送慰相思淡月微雲帶露垂岸冷西風催客意愁情舞態故遲遲

清明節天門途次作時奉檄從征

絲絲膏雨潤春郊奉檄征人望路遙岸柳眼舒情脉脉暮雲深處最魂銷

黃赤城曰以真故愈有澹味不在刻意求新

松菴畫扇

南陌東籬景不同秋花底事笑春風恰緣譜入騷人筆冷艷幽香在握中

惠瑤圃尚書以美人繪扇見示偶題

素心自與百花親卿是名花花是身貌取芳姿圖便面種花人對惜花人

芝圃自註尚書別字瑤圃種花人

莫愁湖紀遊時八月十日

江南勝迹六朝留領略雲山次第遊秋氣愁人愁不去莫愁湖上去推愁

江元卿曰與
漁洋作又別

題鰲滄來太守十分孚惠圖余時勘徐郡水

灾 三首

舍。哺。人。忘。歲。游。饑。披。圖。如。見。使。君。慈。十。分。直。恐。描。
難。盡。合。有。婁。江。萬。姓。知。
五。更。粥。鼓。萬。家。聞。頃。刻。能。迴。四。野。春。此。日。徐。方。河。
溢。後。好。推。舊。惠。活。吾。民。
中。澤。哀。鴻。不。忍。聞。今。秋。我。亦。勘。灾。勤。只。愁。數。點。廉。
泉。水。灑。到。民。間。沒。半。分。

儲山詩話。王戊暮秋。徐心如太守。迎謁方伯於
袁江。以書抵余。述方伯捐金煮粥。全活徐郡灾
黎善政甚悉。并錄方伯此三作見寄。余讀至卒
章。尤替鳩形鵠面者。感入心脾。仁人之語。詩人
之詩也。乃吟二絕句。代東却寄方伯云。不惜捐
金活鵠鳩。茫茫碭澤浪花秋。已饑已溺痾瘵切。
警句傳來感不休。春陵心事少陵篇。準擬迎披
郭李船。只恐揀敷煩擘畫。尙留旌節在江邊。

清

華

齊亭滿洲鑲紅旗人蓮谿詩鈔

楮山詩話。齊亭太守尊甫輔作梅先生。曾任理藩院左侍郎。漢軍都護兼資文武。為世聞人。太守起家。中翰著譽鳳池。出為閩漳司馬。調鹿耳門。當臺逆林爽。文兵燹之餘。懷徠撫綏。殊不易。易。久之。以勞勩。磨剗薦得量移。領郡。內渡時。猝遭颶風。危急之際。欵來一雀。棲檣上。不去。舫師以手加額。謂有神佑。一書夜。掀簸巨浪中。竟得無恙。抵永寧。之蚶港。甫泊舟。復來一雀。相與鼓翅歡鳴。翱翔而去。聞人至今傳為異事。非平生忠信。烏能致此神異耶。所為詩。近體最多。而工書法。得松雪三昧。守京口時。與江左諸名宿。酬唱極多。頃調江寧。首郡稱繁劇。他人任此。奔走不暇。給何暇治詩。齊亭顧恢。有餘一種。慈祥和藹之氣。溢於眉宇。隣才若飢渴。于余尤有知已之感。故余贈句云。官有餘閒。勤下士。案無留牘。恣臨池。又一律云。情比秣陵江水深。古人已

少况而今。放懷談許。忘形迹。空谷時聞響足音。
題品敢當名下士。飄零不恨費餘琴。金裝絲繡
尋常事。第一難忘。感遇心。紀實語。非諛辭也。卓
太傅。東長生。輿人之誦。正復洋洋盈耳。

秋雨夜懷和奎上公原韻

暑冷如蕭寺。官閒似野僧。欲修禪定法。不解佛傳
燈。夜雨寒初勁。窮愁老更增。故鄉何日返。宦海總
難憑。

吳兼山曰。五六蒼秀在骨。得唐人三昧。
楷山詩話。奎上公元作云。孤館閉岑寂。蕭然客
似僧。樹聲喧夜雨。人影靜秋燈。老覺歡情減。愁
知酒量增。誰能計身世。真夢兩難憑。佳唱也。

和王夢樓太守清明日久雨初晴登寶蓮菴

無餘閣見東原韻

寒食初欣霽。和風散久陰。煙輕浮繡野。日暖粲芳
林。江閣消塵慮。蓮臺印佛心。高情貽雅什。同此滌
煩襟。

陳浦筠曰。和夢樓卽是夢樓。古人往往如此。
楷山詩話。夢樓先生原唱。附見清明。容易雨。匪
月。况凝陰。偶上依山閣。欣看初日林。晴江開慧
眼。春艸展慈心。遙憶親民守。應舒望歲心。

秋月

壁池方滿夜珠含。秋色平分鴈影南。玉斧丁丁修
碧落。冰魂皎皎印寒潭。十分澄徹真詮得。一點空

明。妙。諦。涵。最。是。姮。娥。多。慧。解。獨。留。清。景。助。清。談。

周醒愚曰。妙擅談空。一洗詠月窠白。

見白髮有感

把鏡初驚白髮侵。消愁無計豁塵襟。五更早醒憐花夢。一點常存愛月心。養鶴有經留善相。囊琴不鼓待知音。迴頭四十八年事。都付長歌與短吟。

張老薑曰。三四有道氣。勿作流連光景看。

題梅

淺傳顏色淡。傳神姑射仙人脫。化身清艷無塵淨。

於雪一枝疎落寫先春。

閻縵園曰。此非詠梅。乃使君自寫照耳。心盦以為然。

盤香

巧製真堪奪化工。一盤掛起體圓通。迎頭點着星星火。燒盡輪迴色是空。

汪肯堂曰。第二句妙。三四玲瓏剔透之至。儲山詩話。盤香。宋人名宰堵香。以其懸起如塔也。余嘗填天香一闋云。熟杵梅檀。勻蟠沉水。紫紆巧蟄。春蚓擊處成盤。懸來如塔。一線鬢雲輪。困燃從除夜。過一月。星星不燼。到頂篆烟自吐。芳塵逐層輕霽。繡佛座前。燕趁瓦浮圖。上元燈近。綴地霏微。旋旋漸堆金粉。拜處低呼小玉。要識取團樂。莫輕損。麝月徒誇。心香謾印。

暮春有作 四首選二

信○步○行○吟○春○暮○詩○斜○陽○西○度○影○遲○遲○流○鶯○啼○處○聲○
猶○澄○滿○眼○花○飛○有○所○思○
春○盡○春○園○誰○送○春○年○來○猶○付○看○花○人○東○皇○未○別○須○
樽○酒○莫○遣○落○紅○空○染○塵○

和單邑宰題明皇幸蜀圖 六首選一

並○肩○並○輦○沐○恩○長○傾○國○傾○城○寵○冠○房○未○卜○他○生○先○
一○死○千○秋○遺○恨○數○唐○皇○
鄭青野曰○
淋漓盡致○

閨梅

香○閣○無○塵○位○置○新○重○簾○乍○透○小○梅○春○精○神○不○藉○窻○
前○雪○從○古○佳○人○即○玉○人○

黃赤城曰○
風致不淺

悼夢樓太守 三首選一

樓○緣○人○夢○悟○前○身○人○逝○樓○空○夢○却○真○一○覺○乾○坤○原○
是○夢○夢○真○夢○幻○總○由○人○

獨厚念我羈人索居久晴日烘開礙路花暖風
吹長叅天柳君子有酒旨且多招飲陶園開笑
口何必地衣紅糴稔短燕花落錦毯鋪何必曼
聲合絃管鶯喉圓滑聽緩緩觴飛百遍暫撤筵
發函肅客觀遺編幃細暉錦二百頁頁頁繪出
湘楓篇就中一頁行看子楓林兀坐蘇老泉如
隨杖履炙風度後生不歎親無緣公因指圖爲
客道楓也先公嗜猶棗靖節黃花茂叔蓮一物
雖微見懷抱憶昔幽居在樂郊愛渠萬本植山
坳拈來題詠逾千葉書就儲藏可百瓢誰歟寫
生入畫幅藍翠蒼黃紅紫綠榕城之雷黃海江
後先妙染超凡俗手澤如新四十秋迴珠昨費
兼金耐畫師久已歌狸首嘉樹依然老菟裘正
襟語罷重開宴桃艷如楓落紅片君不見神物
還歸舊主人湘
楓冊子東坡視

淮陰雜詠

四首選二

萍泛渾無定淹留處處同三分春事過一半旅愁
中湖柳舍新綠山桃破小紅得時如有競努力向
東風
清霽亭曰三四
十字一氣渾成
相期遊圯上忽復滯淮陰乍聽鶯聲急方知春意
深離家添白髮爲客仗黃金垂老仍行役空勞逆
旅心

江元卿曰
調合中唐

過田家

詩斤見集選卷十三

幽探忘近遠。忽忽到田家。繞砌野花放。沿谿雅柳斜。晴檐千嶂翠。春雨一池蛙。耽賞情無已。歸途正落霞。

對雪

人逼寒威戶不開。雪深誰復放歌來。年年伴我幽棲慣。欹側牆東一樹梅。

先芝圃曰。浩浩落落。何等胸次。

江嗣珏

麗田安徽歙縣人。龍峯贖稿。

張夢暉曰。麗田學識淹雅。工詩善書。從金陵吳冠星學琴。盡得其秘。能奏古調七十餘操。性孤冷。親歿。卽棄家遠遊。徧歷名勝。大中丞海公成出撫江右。聞其名。賞幣往聘。不就。作卻聘詩見志。居黃山三十年。年七十七。一日焚香煮茗。邀僧話別。正襟端坐而逝。葬黃山蕪湖甘銘爲誌墓。稱黃山高士。

楸山詩話。麗田嬰規。穎悟。喜讀書。賦詩。字法蘭亭。草書。宗懷素。俱逼肖。復精琴。操古遺音。晚居黃山雲谷。余表伯巴雪坪先生。爲作琴臺於始信峯松下。名其松曰聚音。松著琴譜行世。自署詩集曰曾谷。欠人饒舌。記庚子春。家仲兄赤城先生。讀書西干。應夢羅漢院。余邀麗田至院。三日宿。鳴琴賦詩。泛舟練江。看桃花於峯山。媼丈畢。竹莊茂才。爲寫練江春泛圖。許楠屏。廣文。序以駢語數百言。麗田歸黃山。楠屏口占一絕送。

別云。與唐寺外柳。穆穆有客。彈琴慕雅。南飲罷。送君黃海去。樹猶如此。我何堪。其明年。余客澧陽。有詩懷麗田云。鳴琴山寺。讀書齋。得意當年。麋鹿儕。流水調高。泉迸指。煮茶聲細。月臨塔。身居蘭澤。隣孤客。夢想柴扉。結斷崖。三十六峯。歸路遠。幾時乘興。踏樓鞋。

黃山詠懷次明人龔鯤

三十二韻

往事都成夢。逃禪結靜緣。文章聊復爾。功業亦徒然。遯世心無悶。忘機腹自便。四方遊汗漫。十載困顛連。懶叩馮生鉢。疇先祖逖鞭。息心休問道。寡欲罷參禪。幽室崇朝酒。香厨向午煙。一枝今始借。三徑舊曾穿。為愛終年靜。應耽此地偏。支峯多怪石。

架壑半枯椽。蘭若金容古。緇流梵唄虔。泉留神衲蹟。鉢擲彩鸞巔。龍腦鑪中熟。焦桐壁上懸。興來時著屐。客去儘高眠。竹密涼侵簾。苔深輒勝氈。翅垂甘蠖伏。翮健亦鵬騫。瓦礫宜居後。糠粃耻在前。住山空四大。待月得三圓。壯志磨長劍。投閒袖老拳。塵纓今已解。世事那能牽。舉手憎高下。遷流任後先。葛懷真古樸。巾服自踟躕。養拙存吾道。行藏莫問天。探竒忘親足。履險怯懸肩。去去摩千仞。行行墜九淵。凌霄思鶴駕。捫壁學蝸旋。身世渾如失。形

骸料已捐紫。雲凝翠磴青。靄散雕枰徙。倚雲霞裏。
徘徊日月邊。咄嗟空費日。嘯傲竟忘年。振策姿遐。
覽。揮毫賦短篇。期將一片石。姓字倩僧鐫。

南歸述懷

京洛歸來鬢已絲。支離江右又多時。放情山水何。
嫌癖得意琴書。豈是癡瘦比休文。猶有骨孤嗟伯。
道竟無兒豪華舊。夢銷磨盡。乘化遷流總不疑。

櫛山詩話麗田又有孤到山僧尚有徒之作海內詩人和者百數十首。

早度新嶺

巍峩翠嶂轟天關。曲曲羊腸入望環。險徑能令心。
倍窄野雲恰與意俱閒。聞鐘始識深林寺。破霧旋。
看漸曉山為問故鄉何處是。行人遙指萬峯間。

吳兼山曰。紆徐合度。

歸黃山

不才浪走人間世。拂袖歸來卧一邱。白髮盈頭生。
有愧黃山埋骨死。無憂虛拋歲月驚前事。漫擲金。
錢憶舊游。從此撇開榮與辱。好憑詩筆送春秋。

陶晴臯曰。前半邁駿。

再過橙里弟西磧別墅

重○解○塵○襟○衣○薜○蘿○瘦○筇○扶○我○復○經○過○春○深○帶○雨○看○
青○嶂○徑○窄○穿○雲○踏○綠○莎○五○畝○幽○居○人○迹○少○一○窻○清○
夢○鳥○聲○多○登○臨○更○上○高○臺○去○日○暮○烟○波○起○浩○歌○

蓮花峰

萬○仞○凌○空○絕○點○埃○側○身○踞○步○眼○難○開○拚○將○一○死○償○
奇○險○偷○得○蓮○花○幾○瓣○來○

方仲卿曰此真泉石
膏肓煙霞痼疾也

始信峰

天關曲曲羊腸人望豈劍豨指命心

霧○驚○多○應○集○上○仙○塵○心○到○此○已○全○捐○我○來○惟○有○低○
頭○拜○不○惜○旁○人○笑○米○顛○

文殊院阻雨

梯○山○航○海○禮○文○殊○八○日○勾○留○坐○畫○圖○風○雨○聲○中○彈○
古○調○萬○峰○頂○上○一○僧○孤○

陳浦筠曰絕
妙一幘米畫

獅峰返雲谷

艸○鞋○打○結○杖○高○懸○檢○點○奚○囊○得○意○篇○大○小○僧○雛○來○
問○訊○挑○燈○細○細○話○雲○烟○

依然一榻卧雲邊。兩耳知音未絕絃。除却焚香兼洗硯。又煩茶竈煮霽泉。

劉梅莊曰。古澹冲逸。

言月身集。山詩。坐壽圖風雨。中。文。不。辭。人。禁。米。賦。山。道。人。安。徽。歙。縣。人。坤。沙。吟。艸。

方自然 茅山道人安徽歙縣人坤沙吟艸

儲山詩話張夢晚松滋餘業云自然幼有根器學道茅山遇異人教以鍊氣法遂得其秘倦遊歸破屋數椽不蔽風日處之俊然所談多性命宗旨不及怪誕壽近百歲邑人稱之曰方神仙曹震亭先生恒與游言論有得甚敬禮之

採藥

大丹未失何須採。聊向空山瀕性靈。雲自無心行處起。鳥知迎客望邊停。偶過僧舍嘗新茗。忽邁仙樵問難經。荷篠歸來清興足。紙窓風味一銜青。

釋竹軒曰此方先生自作高士小傳也起七字已足喚醒燒丹鍊汞一輩妄人通篇清峭有味

大丹未火可煎... 向空山... 雲... 霧... 自... 心...

言... 曹... 宗... 詩... 山... 人... 之... 人... 世... 人...

吳 求 警堂 江蘇儀徵籍安徽歙縣人澹止詩鈔

楮山詩話澹止性聰穎博聞強記雖貧無長物而衣冠修整如富人諷諧不羈未嘗向人作乞

惠山寺

霜氣肅山骨丹楓蔽幽寺靡迤上空堂秋花媚階
坳步屨曲闌西閒房護松翠引客一僧雛秋水橫
眉次坐我貝多傍露泉沁心肺林際鳥啾啾語人

如有意。晚鐘時一鳴。新月生檐際。題名青琅玕。他日復來睇。

吊陶彭澤

一棹弔彭澤。遙指柴桑里。不以北窓風。換取五斗米。我生千載後。高山長仰止。卻負三徑花。來泛一江水。舉杯酌先生。斜陽半山紫。

汪沔雲曰。短章古峭。

寒食後三日畢展未過余畔古居魯星村儲玉琴黃心盦亦至同作

臨風耿懷抱。已過寒食天。鬱鬱何以釋。况乃拵筠關。出門良有咎。率性多所偏。俯仰風日佳。鵲噪茅檐前。心知兆來客。復笑恐非真。新晴花亂開。繁華滿郊原。春波潏潏。春草繡芊芊。正好芳甸遊。誰念文字緣。諒無朋輩至。惟有枕肱眠。忽爾剥啄聲。有客已停軒。握手共軒渠。直樸屏寒暄。清談亦復佳。室暖蘭氣芬。那期二三友。接踵集後先。釋我悵鬱懷。解我蕭寥顏。卽不賦新詩。此會已應傳。藉此床頭儲。共抒情欲言。迺知造物心。欲縱故拘牽。將

以悟浮生。歷碌蓋有因。今朝烏鵲喜。吾始知其然。
黃谷音曰。心知十字。一轉最妙。東坡學陶。此篇通體似之。
儲山詩話。展亦名懷圖。鎮洋籍。休寧人。以孝廉為湖南永興令。罷歸。主講江漢書院。十餘年卒。
張船山太史。哭以詩曰。漢上分襟十四年。西籬迴望影。皤然依劉身。老諸侯。客學杜。詩空小。乘禪人。阻滄江。最蕭瑟。書來絕筆。尚纏綿。名場偏閱交。情嬾知。已終懷。未遇前。其傾感也深矣。太史作此詩。在戊午八月。尚有哭王荇町。太僕畢秋帆。尚書袁簡齋。大令詩題。補丁巳年。四先生輓詩。並淒切可傳。附錢如左。哭荇町。太僕云。幾日深居。判死。生醫方。點竄病。無名人。傳夢兆。登神籍。我撫。弱筵。罷酒。兵老去。宦情真。淡漠。聞中詩。筆最輕。清零。星問。荅。收。干。紙。展。對。猶。聞。歎。息。聲。秋帆。尚書云。終無一面。慨前因。箋惠。頓。切。意。氣。真。眇。眇。孤。寒。餘。涕。淚。滔滔。江漢。久。風。塵。且。留。

定論憑清議。只惜憐才少。替人大。燾高牙。尚淪落。書生。何地說。經綸。哭簡齋。大令云。謫仙非。謫乃其游。汗漫才名散。不收身後。譏彈。騰衆口。生來福慧。自千秋。眼空天海。詩為戲。夢繞。烟花。死末休。一代。傳人。傳已。定。莫。憑。遺。行。苦。吹。求。

車遙遙行

車遙遙兮馬駸駸。高堂落日傷別心。君遐征兮何日迴。願為酒兮隨君杯。隨君杯君愁散。君情歡兮妾所願。

蠶婦詞 三首

蠶婦食蠶身良苦。朝拂柔桑夜防鼠。連日春陰蠶

畏寒不惜鮮衣護。塢管待得三眠蠶。已熟絲成先
準東家穀。西家尚欠貸。桑錢賸有殘。絲真可憐。
養蠶蠶婦寒且饑。新絲已上隣人機。但聽機聲日
夜急。織成錦段裁。舞衣豪門日。夜酣歌舞亦是貧。
家小兒女曾聞舞。罷復裁新。那知勞者多辛苦。
蠶兮蠶兮吾嘅爾。食以黃桑。酌以死蠶。婦養爾待
吐絲。絲吐不盡。不得止黼黻。文章皆爾生。可憐絲
盡身還烹。纒車軋軋湯鼎沸。欲化飛蛾化不成。

湯秋林曰。有風有感。比
張王樂府。更勝一籌。

懷程浩亭家作舟

歲云徂矣。雨雪霏。懷遊子兮。胡不歸。登高臺兮。遠
望。違江水寒兮。鷗鷺飛。流水鳴鳴。直東去。寒風蕭
蕭。白日暮。行客無非。江上停。今夜停舟在何處。

幽興

東風來。幾日綠。遍隔江山。流水亦何急。暮雲偏自
閒。偶持一卷坐。時送孤鴻還。客意愛幽獨。蕭蕭長
閉關。

王少林曰。通體
唐音。結更瀟灑。

姑蘇道中

打。槳。潮。初。上。篷。窻。夜。氣。浮。烟。深。吳。苑。路。葉。落。晉。陵。秋。宿。鷺。驚。柔。櫓。新。霜。壓。小。舟。三。更。殘。月。上。清。興。發。中。流。

樸樹灣訪薛漁莊

樹。深。多。失。路。逐。步。問。漁。莊。野。渡。生。春。水。遙。峰。戀。夕。陽。釀。分。秋。露。白。飯。裏。綠。雲。香。倘。遂。誅。茆。願。從。君。結。草。堂。

青山道中

柳。絮。紛。如。雪。征。人。惜。轉。蓬。吟。情。山。色。外。鄉。思。鳥。聲。中。江。影。蕩。新。綠。岸。花。拋。晚。紅。眼。前。零。落。易。何。必。怨。秋。風。

畊古居漫興 選三首

一。室。剛。容。膝。頻。年。閉。戶。深。簡。編。人。澹。泊。竹。柏。暑。陰。森。把。酒。思。文。舉。游。山。媿。向。禽。蕭。條。羈。旅。地。何。有。客。相。尋。自。盪。蠭。蛸。網。開。軒。坐。晚。涼。暮。雲。捎。雨。過。晴。霞。入。天。長。白。小。咳。池。水。朱。絲。橫。石。牀。伊。人。渺。何。在。歌。罷。意。

難忘。

賓○至○新○荔○熟○開○尊○韻○共○拈○興○酣○忘○爾○我○吟○苦○損○鬢○
髯○明○月○上○西○壁○流○輝○映○北○檐○高○檠○應○可○卻○不○讓○夜○
光○簾○

陳浦筠曰
俊雅可傳。

喜玉琴來漢上

相○待○話○調○飢○呼○童○滌○酒○卮○偏○嗔○烏○鵲○噪○頗○訝○錦○帆○
遲○涉○遠○身○應○健○依○人○事○可○知○昨○宵○秋○已○至○剪○燭○正○
相○宜○

鄉懷十首選四

胥○浦○江○潮○滿○西○谿○碧○漲○新○笛○聲○花○外○犢○漁○唱○柳○邊○
輪○客○劇○香○林○筍○僧○延○畫○舫○人○相○逢○畊○釣○者○曾○未○說○
憂○貧○

十○里○菱○荷○鋪○徐○黃○舊○畫○圖○暖○風○翻○翠○蓋○踈○雨○散○明○
珠○小○閣○人○孤○坐○清○流○鴨○自○呼○何○時○重○盪○槳○隨○意○卧○
菰○蒲○

春○夢○何○時○醒○春○寒○戀○敝○袍○望○雲○情○自○切○閉○戶○意○徒○
勞○短○賦○憑○誰○薦○孤○舟○祗○自○操○晚○晴○猶○可○念○歸○鳥○滿○

林阜

極目滄江上。寥寥惜斷鴻。艱難詞客老。縹緲暮雲空。豪氣劍沉匣。幽懷詩滿筒。若除彭澤宰。誰共北窗風。

儲玉琴曰。潔淨是澹芷本色。

登燕子磯

直到孤亭最上層。危磯突兀勢崢嶸。吳山歷歷趨鍾阜。岷水茫茫過秣陵。遠浦日斜千舸集。高樓鐘動一僧憑。劇憐古渡秋烟外。片月蕭然上楚層。

黃州

折戟沉沙問水濱。蘆花如雪舞紛紛。帆來白下秋江雨。客到黃州日暮雲。千古遊蹤傳兩賦。一時霸業定三分。荒磯剩有蓑翁釣。獨看寒汀下鴈羣。

張雲池曰。三四似松圓詩老。

漢川道中懷熊丈西坪

去見長隄枯柳柯。歸來兩岸綠婆娑。眼中迅速春如此。江上淹留客柰何。村豎隔林橫牧笛。柴門臨水曬漁簑。故人花徑應開久。相待臨風一醉歌。

和巴蓮舫自新野至襄陽道中作

西風颯颯雁行行。僕僕歸途黯自傷。幾戶晚煙山脚起。一鞭殘照馬蹄忙。苑荒烏噪前朝栢。龍去雲埋舊日岡。却有詩情何處託。來朝憑弔孟襄陽。

楮山詩話。蓮舫余表兄也。其風流宏長。已見第

二卷元白門詩話中。蓮舫寓居名寸田尺宅。與

澹止寓齋鄰並。當時詩酒聲歌。迭主壇墀。人爭

艷之。今兩君并墓木已拱。讀詩至此。不禁慨然。

玉琴枉存奉簡 二首選一

坡老三蕉飲未勝。秫醅新漉正澄澄。明窓自滌蓬萊硯。來日看騫渤海鵬。何敢烹葵邀上客。只如題

竹訪枯僧呼兒祇候柴門下。好為先生捧赤藤。

春盡雨中寄懷顧木原司馬江橙里先生

舊夢新愁掩不禁。子規聲斷雨連陰。向人白眼惟思籍。及榻青苔苦憶岑。冉冉紅行逕。滑纖纖。生翠閉門深。韶光未放。隨流水。尚有茶蘼伴客吟。

芍藥次江梅賓韻

七寶雕闌取次妝。芳菲偏不藉春陽。翻階謾笑生無骨。帶露方知葉亦香。殿角詞成簾久捲。城頭霧壓夢初長。瀟湘游子江南客。同醉瓊枝憶故鄉。

白杜鵑花

喚不歸來血已枯。青山躑躅客提壺。分明枝上三更月。莫慢樓東一斛珠。金屋那能藏小玉。使君何必問羅敷。而今毋論神仙事。獨洗穠華謝彼姝。

鄭鴻亭曰。筆如跳丸。視謝瞿詠物。真有雅俗之別。

柳

走馬章臺綠染衣。當年春事是是非非。三千翠黛風情軟。十二珠簾夜色稀。門外落花人獨去。樓前微雨燕雙飛。相思最怕烏啼早。隔斷紅牆好夢違。

秋燕 四首

飛飛無力蹴紅巾。較與春來更可親。社鼓聲高秋又半。桂梁月落壘生塵。飄零衛婦機邊縷。憔悴昭陽掌上身。莫笑季鷹矜作達。十年猶是未歸人。
顧影晴川鎮自憐。蕭條景物異春前。芙蓉水驛含秋色。楊柳林塘罨暮煙。不定飢鳥爭繞樹。相呼寒雁遠驚絃。無人樂府翻新曲。時去時來亦枉然。
重溟遙望漫回頭。落葉驚風逐水流。時序獨傷羈客意。徘徊多為故人留。香巢未憚年年改。浪迹難

禁處處浮往日烏衣高甲第至今門巷已成邱
鷹隼紛紛接翼飛相看那惜羽毛微幽崖僻處生
原○慣○華○屋○高○樓○計○本○非○霄○漢○漫○誇○鴻○鵠○志○江○湖○不
解○網○羅○機○水○晶○簾○外○西○風○厲○可○奈○言○歸○尚○未○歸

劉梅莊曰自喻飄零一唱三歎

楮山詩話澹止有贈雲頡句云學比爲山成乃
止年同逝水去難還各言也又澹止與洪檀旃
林聯句白桃花四律可稱旗鼓相當附見於左
不道仙源第一枝蟾關心猶憶早梅時小橋流
水春容澹柳細雨疎簾暮色遲潘令歸來頭已
白蟾楚宮粧罷粉凝肌紛紛朱碧何嘗定柳獨
洗濃華問道師蟾無那芳心下戒壇霓裳縹
緲露溥溥層臺路隔銀濤滿蟾古洞人歸璧月
寒煙景疑聞雕玉珮柳曉窻初試坊雲冠含情

獨倚東風笑蟾紫陌誰能駐馬看柳銷盡宮砂
淨雪膚蟾漁郎曾見武陵無若逢小玉應呼姊
柳始信羅敷自有夫古渡艷歌翻白下蟾羽衣
仙客紀元都人間寂寞長門感柳莫謾樓東一
斛珠蟾雨絲風片軟塵香柳間與梨花伴斷腸
隱兒雜摩長示疾蟾安貧兒女儉梳粧瓊筵不
醉金鸚鵡柳碧落偷乘白鳳凰聞說
麻姑顏色好蟾如何綠鬢已成霜柳

秋夜

落○細○雨○灑○復○停○秋○風○度○簾○箔○獨○坐○悄○無○人○殘○燈○一○花

青谿夜月和家澹秋二首
蟲聲切切露娟娟多傍笙歌舊宅邊昨夜鍾山醉

臨○眺○半○城○涼○月○一○溪○煙○
小○姑○祠○外○月○如○霜○移○權○青○谿○花○霧○香○何○處○橫○吹○剛○
入○破○遲○他○聲○韻○斷○人○腸○

張蟬谿曰
似李十郎

秋夜

雲○河○縹○緲○夜○沉○沉○月○轉○西○南○畫○閣○深○不○捲○珠○簾○人○
睡○久○海○棠○清○露○冷○蛩○吟○

秋日湖上 二首

盈○盈○秋○水○似○春○肥○零○落○紅○衣○泛○夕○暉○法○海○橋○西○遊○

迹○少○鷓○鴒○閒○共○浦○雲○飛○

棗○花○簾○子○控○瓊○鈎○蘭○麝○香○歎○水○閣○幽○碧○柳○漸○踈○風○
漸○冷○小○秦○淮○上○不○知○秋○

今詩所見集選
三
質其誰同。君不見陽春二三月。柳含嬌綠桃含紅。
風鬢雪鬢盡搖落。此松終古長青葱。

雨阻高眉巷

策杖探幽興。穿雲入翠微。一菴支絕頂。萬壑拱禪
扉。竹韻和煙冷。松聲帶雨飛。連朝歸未得。竟日話
元機。

野菊和江斥亭韻

花弄青蓮色。開經兩月遲。移從籬落下。補入野人
詩。泥露偏宜冷。凌霜善自持。也同延壽客。兀傲晚

秋時

吳竹橋曰。三四於義山
遺山兩家外。別標新韻。

同人登太白酒樓

淒其客邸正無聊。恰好詩人晚見招。野寺鐘聲催
薄暮。疎林雲影送歸樵。樓空千古名猶在。酒到於
今興未消。欲覓宣平舊時宅。碧泉明月冷煙霄。
梯山詩話。此酒樓乃吾歙西千名勝。宣平者。唐
時仙人許宣平也。詳見第一卷蘇千之詩話中。
梅坡此作五六
句。亦極雋拔。

今興未出於竟宣平藝報字靈泉明良公
 其容極五無迴分故詩人烟具味理寺
 其人登太白西對
 山雨寒水恨詩
 吳首詩曰三四
 山

夏之勳 芳原湖北漢陽人芳原吟艸

儲山詩話芳原澹懷温克好古不怠所居烟鬢
 閣在郎官湖上藏書極富碑版圖書鼎彝之屬
 稱是工篆籀八分書善繪事嗜吟不欲以詩名
 予曩客漢口與魯星村吳澹止巴蓮舫張蟬谿
 儲玉琴諸人結琴園蟬藻閣畊古居詩社芳原
 無會不與而詩多不存茲從邗上友人案頭見
 其題畫絕句一冊讀之如與芳原聯襪重晤
 錄什三用誌天暮碧雲之慨記余於甲辰春為
 芳原題江干折柳圖送之邗上即次芳原元韻
 圖出家伯默谷司馬手筆皴染無多極得大癡
 真脈於時余與芳原未謀面也今且二十年矣
 芳原元作道遠無從索錄拙作附左兼識歲月
 可耳大阮丹青今子久渲雨皴雲心應手為君
 寫此渭城圖淒絕江潭颺衰柳蹇余作客蘭芷
 鄉熟聞之子名清揚撐腹便便誇邊笥雕肝軋
 亂盈奚囊西風斜日鄂城下想像帆開勢奔馬

驪歌欲斷棹歌催送者踟躕立原野君家邗上多勝游江山文物美且稠如何改歲尚不去鶴樓仙客還相留錫簫柳絮天涯路避后相逢不有數語君且緩歌苦匏阿蒙正要交詩豪

新羅山人秋柳

曲江風度異當年葉葉絲絲劇可憐最是夕陽蕭寺外悄無人處咽寒蟬

張紫峴曰嗚咽淒清每披吟使我奈何頻喚

邊頤公蘆雁

一羣嘹唳依秋水兩岸離披帶夕陽底事先生慣摹寫應憐道路有流亡

釋夢綠曰題畫如此命意極罕見此豈流連光景者所能道出耶

劉晴峰圖照

晴日濃香一座春竹烟低颺落花塵他時那更貪孤坐兒女英雄是此人

任敏菴大令畫冊

十首選四

幾日東風破凍皴烟條小綴玉鱗鱗生絹一幅凝脂影寫出江南雪後春
玳梁珠押見雙栖玉剪迴風上下齊底事落花脚不住亂和烟絮過長隄

仙人樓閣白雲深。鬱鬱虬枝積翠陰。玉軫乍收金鼎熟。夜珠飛下兩胎禽。

陳耳盒曰。可作小游仙詩讀。

絡緯蕭蕭咽晚風。橫塘日暮水雲空。有人欲築秋聲館。坐待寒潮下釣筒。

徐心如曰。四作。如置之孫谷橋聲畫集中。亦當與古人分席。

汪筠谷春江新柳圖二首

乍晴江郭帶餘寒。喚渡人來倚馬鞍。一曲箜篌留不住。翠眉掃出與誰看。

垂垂碧影蕩輕颺。別夢無憑記一枝。此日江潭正搖落。好從圖畫說相思。

今詩所見集選

卷十四

古歛黃承增心盒甫輯

吳蔚光

竹橋江蘓昭文籍安徽休寧人素修堂集

櫛山詩話宋人駢語有云勝事園林清時鐘鼓
 如許安閒上天將相平地神仙孰為輕重余愛
 兼謝評選拙詞云湖田詞品似仙谿春淥香汎
 桃花響琴筑竹橋仙謾只竹垞齊名名合埒南
 飽清福巨眼更憐才才取崎零青紅傳寒叢斷
 木念載酒何時請元亭定臺笠風情許譚鄉曲
 蓋太史與介弟槐江尚書少日各齊二陸藉甚
 金臺今尚書節鉞兩湖勲名未艾而太史則年
 未強仕即辭榮遂初田間聽水竹里鳴絃鍾鼎
 山林各天性世交韙而並重焉頃太史以書抵

余云自刪生平所作詩斷自二十五歲始已共
得五十七卷他文詞又各數十卷名山事業富
有日新珠盤玉敦之盟松陵月泉之會斯文提
唱宏長風流微太史吾誰與歸

四月九日為小石屋之游余偕毛壽君往陳

筠樵孫子瀟諸子復至 三首

循城駕扁舟。蕩此水波綠。一山晨破睡。萬樹夏出
浴。清言不覺遠。倏抵小石屋。忻然遂登陟。畦徑繚
而曲。遇松急矯首。藉卉略息足。寺門寂無人。景象
極深穆。老僧何所之。只在林與麓。

老僧猶未歸。勝侶復已至。言攜一樽酒。樂飲莫辭

醉。是。鄉。有。長。春。陶。融。盡。和。氣。蠶。豆。莢。正。肥。象。竹。筍
逾。脆。鮮。新。出。山。厨。味。亦。頓。殊。異。卽。詩。寧。不。然。當。食
得。真。契。

我歲一來遊。不出夏四月。新綠間老紅。反勝艷陽
節。偕者為誰歟。追數指堪屈。維君久分垂。獨去客
於越。贈荅翰墨場。坐卧山水窟。所作百首詩。洗伐
蒼。見。骨。茲。辰。贖。前。蹤。已。閱。五。鷓。蟀。少。壯。日。以。衰。非
復。舊。鬚。髮。欲。酌。岩。下。泉。養。壽。謝。塵。埽。

次法梧門宮庶見寄韻

松柏凌高雲。芙蓉照初日。如君所寄詩。路遠誼轉密。我自喪先人。端居每銜恤。始衰計桑榆。善病倚蒼朮。豈無鄉黨士。未敢親且暱。君能惠好我。眷注到幽逸。深情託短楮。老氣出勁筆。遙聞結詩龕。章句物虛室。壹倡而三歎。音仿清廟瑟。偽體歸別裁。藻翰謝牽率。亟思重觀止。快論古得失。前事固不忘。後會猶可必。

周醒愚曰。起勢
巖業極合古。

松雲先生招游石湖入治平寺登上方山汎

月而歸得詩八首

石湖類幽人不屑入州府。離城十里餘。清靜獨棲處。公將重訪之。蘭舟載殺醕。素心欲誰偕。曰維范與許。念我樗散徒。亦獲隨杖履。要約成隔宿。解維竟踰午。一過日暉橋。衆山青可數。

竹橋自註。范謂芝岩
太史。許謂秋岩郡伯。

衆山導船行。船行至橫塘。居人數十家。銜宇相對望。蕭蕭魚鰕市。閒閒雞犬鄉。我聞唐子畏。遺骨於此藏。閭門桃花隴。譌因讀書堂。當世名已高。既沒

名更彰。風流四國照。翰墨千春芳。遠勝明公卿。艸
木共卒亡。况乃却宸濠。自託於佯狂。其狂不可及。
憑弔天蒼浪。
蒼浪天何高。倒影入湖水。鑒我昔容顏。倏焉隔三
紀。昔來春之末。今來夏之始。昔來從先君。今來侍
夫子。昔來湖尚大。今來湖小矣。積淤廣爲塍。產葑
界成泚。亭臺彼一時。安得不傾圮。衡山所書額。亦
僅存。其似惟有范公號。成後迄無毀。

張老薑曰。叙
次似古樂府。

范公仕南宋。於茲結艸堂。密友時相過。番陽姜堯
章。詩思極清拔。詞筆逾老蒼。蛟龍翔海島。鸞鳳鳴
天間。倡和梅花下。管絃雜壺觴。小紅美嬋娟。遂以
贈送姜姜後。攜之行水上。雙鴛鴦。我歌白石曲。踈
影復暗香。古人雖已朽。精氣久且長。彷彿吹簫來
遊戲湖中央。
中央空溯洄。言就水之涘。緩步以當車。同入治平
寺。寺僧寡且貧。畊種殿前地。其右麥漸漸。其左麻
穠穠。爲我發所局。陂臺益荒廢。青藤貫墻罅。元蟻

集衣襪。翻因目前景。追憶曩時事。香火久繁盛。錢米廣布施。民情逸則淫。矧此惰游類。洞房蓄姬妾。邃室召倡妓。公然背佛戒。祕作素女戲。苟非陳文恭。疇能一窮治。談畢天漸陰。恐有風雨至。湖風吹雨散。乘興還登高。清寒死重陽。但缺菊與螯。主僕六籃輿。銜尾輕于舠。先從村中行。驚怪目我曹。非春復非秋。而夏來游敖。婦女頗粗醜。文繡業是操。羽毛絢紫燕。花枝艷紅桃。旣辭織布瘁。亦免畊田勞。人生墮地上。苦樂異所遭。棖觸忽忘言。

已躋山之尻

茲山名上方。浮圖萃山巔。喜客老衲衣。走迂寺門前。引我臨高臺。凌風挾飛仙。三萬六千頃。大波何軒然。惜爲山所蔽。未得見其全。衆山在左右。羅列如青蓮。別有一山長橫卧。天際煙云卽是海。虞使我思欲還。思還猶未能。停棹採芳杜。夕陽紅在山。遲客久延佇。客何竟不來。豈畏作湖主。須臾出行厨。味美饜心腑。人詳公所畧。人棄公所取。翳我獨斷飲。會逢

病新愈許反亟勸公諧笑效吳語微微雲過林漠
漠煙生渚雲煙縹緲中淡月自東吐月兮匪自今
曾經照前古亦如今歡今亦如古聚

竹橋自註范太史以事未至
汪肯堂曰八首有風規在內勿徒作游宴詩觀

寄汪澣雲 三首

汪君成進士奉命出宰浙試用未及暮飄然返鄉
國行義固甚高謀慮亦甚決我有數親友焉能與
君頡頏安張寧世兩耳皤鬢髮今又改入閩垂老
甘屈折麗水邵元直百口挈家室抵任卽賑灾刺

促無暇日書生爲此官上下肘交掣譬如衣敗絮
冥行入荆棘一步一牽纏不知何時歇

徐心如曰純從漢
魏來單刀直入

有示我畫者氣韻古且逸直追宋元人化工在君
筆君畫本精妙而此更超絕可知歸去來千得無
一失新安好山水滿紙皆欲活願爲我重作大略
髣兮鬢興至景自成不敢相迫切久客思故鄉卧
遊不亦悅矧復時見君懷抱淨冰雪
我未能就君反憶與君別君來訪我時昔在十月

節先人之敝廬門對秋水濶楊柳老依依蒹葭蒼
揭揭君舟午前維至酉已過發睽違五六年相思
隔吳越撫境益興懷寸心亂如結作詩以寄君何
必書與札

櫺山詩話情摯語真無一字雕飾持贈浣雲恰當其高雅恬澹之品而詩之圓美熨帖書家所謂一筆書也余選鉉海內諸名家詩有直到底者皆視此

次韻答梧門祭酒

白雲自天來墮我因樹屋化為相思札驚喜再三
讀紙色表貞潔墨香散奇馥兼有韶樂音味之可

忘肉君如高嶺松我如空江竹松能向日蒼竹能
依水綠惜為齊年生南北處皆獨徑欲駕我車並
擬攜我簞訪君詩龕中采蘭復餐菊我言君首肯
君語我心服辭章探元化氣誼邁凡俗倡和成一
編澹然忘寵辱

毛壽君疊對酒行韻見示亦疊其韻簡之

鴻鴈聲哀鳥鳥樂艸堂半晦離城郭含飴弄孫憂
可解杜門謝客病難却頭顱五十虛若此昨非未
必今皆是放眼真堪括盛衰委心直欲齊生死披

裘帶索聊逍遙歲之云暮冬之宵霜寒水涸堊莽
盪風急林空天沈寥讀破殘書三百本腐儒身事
閒居穩赤手徒攜釣客竿白頭嬾負農家畚牀頭
金盡無顏色詩老益工窮亦得一篇價敵百碑磔
連朝走送煩來力

十疊對酒行韻寄荅宣城袁實堂丈

年逾七十歸田樂人倫東國有道郭士望門墻不
忍麾孫操几杖猶堅却古文一脉今在此平奇濃
淡惟其是命意高從賢聖來誅心直令奸雄死敬

亭窈溪阻且遙思而不見五百宵舊交四海傷離
索古調千秋賞闐寥著述何須論百本義求精潔
法求穩合將爛語覆在甌務去糝言真諸畚空有
聲音澹有色驪龍領下珠先得此事天人二者兼
漫云天授非人力

櫛山詩話竹橋尤工疊韻對酒行疊至二十餘
首不亞童二樹鈕牧村二牧唱和之作今錄二
篇聊見一斑
酌一勺耳

賣饊兒和韓丈東生

賣饊兒真孝子家貧與母命相倚母忽病膈無藥

治○危○哉○一○生○而○九○死○求○人○不○應○求○諸○神○尺○香○寸○燭
祠○下○焚○哭○拜○社○公○再○三○禱○告○云○神○活○我○母○兮○神○聞
弗○聞○况○兮○忽○兮○夢○神○語○剖○汝○心○可○救○汝○母○賣○餅○兒
喜○欲○狂○歸○來○磨○刀○白○飛○霜○背○母○自○解○布○襦○襜○舉○刀
直○刺○心○中○央○心○未○出○痛○已○絕○死○仆○於○地○面○紙○色○隣
里○告○縣○官○官○急○相○視○畢○創○久○乃○平○神○佑○兒○匪○醫○醫
兒○實○神○術○母○亦○覺○人○投○以○湯○自○後○飲○食○如○平○常○是
母○是○子○人○競○識○兒○仍○賣○餅○作○生○業○共○思○往○事○驚○且
惑○賣○餅○兒○當○此○時○刀○入○四○寸○出○始○知○無○半○點○血○寧

非○奇○凡○人○百○行○孝○為○首○割○股○剖○肝○古○亦○有○必○愚○者
然○智○則○否○貪○生○子○反○議○其○後○盍○思○子○身○母○所○授○取
以○歸○母○益○母○壽○此○心○始○不○艸○木○朽○吁○嗟○乎○至○誠○感
神○信○有○之○神○見○甚○邇○聽○甚○卑○禍○福○惟○隨○人○轉○移○君
不○見○宜○興○城○東○賣○餅○兒

醉歌行贈送金九大使弟振之

金○九○朝○從○海○陽○至○我○已○先○判○今○夕○醉○笑○我○難○同○舊
酒○徒○急○令○僕○貫○酒○百○壺○不○及○數○語○囊○出○詩○口○則○問
荅○手○則○披○清○辭○麗○句○體○疊○出○騷○情○逸○興○篇○迷○離○看

詩未終復看畫十二幅無一筆敗宛然搖艇入新安灘水清幽石奇怪家山如此天下無我欲歸贖先祖廬春與子畊夏釣魚晝與子飲夜讀書與汪浣雲共來往人三爲衆德不孤子何反捨而出乎豈非大不得已夫有酒且醉開懷抱折簡爲覓孫吳鮑是皆如我遷琴川聞名見面交傾倒子今莫怨官職卑抱關擊柝古尚爲不見金章顯榮客纍囚籍沒身亦危子今勿憂生計薄陋巷簞瓢古尚樂不見朱門富厚兒狎遊博簊家旋落人生孰能

滿百年往事過眼如雲烟憶昔舟車我與子南越東魯北趙燕文章鉅公正提唱風流名士相周旋席間舉觴氣吞海殿上作賦聲摩天少者忽壯衰者死晨星散布碩果懸卽子別已十二載性格猶存形貌改更爲後會是何時相逢一醉真無悔月明霜重庭菊殘引滿浮白各盡歡蹉跎自惜馮唐老漂泊誰憐范叔寒努力加餐子行矣我竟醉卧不能起此情送子三千里深似江淮河濟水

黃赤城日。恍惚淋漓。細鍼密綫。有起伏。有照應。此建大將旗鼓而演五花八陣者。

楸山詩話竹橋此作自註云振之有新安江竹
枝詞汪浣雲大令為畫其意于冊孫謂子瀟吳
謂項儒鮑謂凌客叔治文章鉅公句謂朱笥河
程魚門諸先生風流名士句謂黃仲則陳梅岑
汪劍潭楊蓉裳諸君也

暮雨

風寒暮雨斜春恨渺無涯苦霧堅吞月香泥亂葬
花剪燈當此際吹笛又誰家不聽吳娘曲瀟瀟鬢
亦華

曉坐

衰近起常早書齋閒負暄瘦花倚窻傲寒雀聚檐

暄自擾庸人事相思遠客言呼童勤灑掃只莫啓
蓬門

冬夜

昨有寒風信如催物斂藏空庭澹樹影高宇頰星
光讀史冬方足吟詩夜漸長笑看雙鬢上先染五
更霜

冬月

冬月如人瘦徘徊悄倚扉雲高全不動星小一何
稀寒氣侵烏帽清光徹翠微相思千里隔可減舊

腰圍。

張蟬谿曰體兼杜陵玉谿瘦硬有姿

大河道中

春水澹無波。春煙近大河。箭泥村艇早。礮穀野廬多。渡斷人相待。詩成我自歌。湖田三畝宅。此願付蹉跎。

有懷陳梅岑時以南河同知左降未補

歲暮故人遠。夜長寒雨深。迷離千里夢。展轉廿年心。久客黃金盡。閒曹白髮侵。想應有高詠。恍慨弔

淮陰。

鐵梅盦曰似高達夫

偶成 四首選一

芳艸真情種。年年綠滿除。湖山私約負。風雨故交疎。多病疑因藥。常貧樂得書。提壺來勸我。不飲復何如。

夜飲張子恂宅看菊

人澹原如菊。樽還對菊傾。病除雙足健。宦止一身輕。花剪銅盤炬。膏流玉椀羹。夜闌休惜別。知各有

詩成

十月初十對月寫懷
夜良今實甚延佇竟如何碧宇塵全滌朱顏酒暫
醅微風花影瘦明月鴈聲多好寄相思句江湖水
不波

馬朗山曰色古聲
蒼不在尋行數墨

夜寒

今夜多寒意風平月未圓重新寬酒禁容易積詩
篇有鼠啣薑走如蠶縮繭眠殘燈照無睡總在五

更前

落花詩多怨恨者因反其意

東風催嫁萬紅粧聚散升沉各渺茫夕照銷時魂
尚艷春泥埋處骨還香一枝小換華嚴劫半枕初
醒富貴場燕子知人多愛惜為啣餘片上雕梁

二月初五風雪寒甚

忽如首夏忽隆冬一夕寒暄判萬重花正怒開風
又勒麥纒爭長雪還封病懷瑟縮披裘急詩興闌
珊點筆慵自笑歸無田半畝也占晴雨學村農

冬日即事 二首

高。桐。老。柳。是。吾。家。村。巷。幽。深。野。徑。斜。水。涸。荒。田。全。
種。麥。日。煇。寒。圃。竟。開。花。舊。書。看。畢。魚。旋。蠹。遠。客。來。
頻。鵲。果。譁。嬾。上。層。樓。閒。悵。望。天。空。地。曠。正。無。涯。
門。對。清。谿。小。市。邊。夕。陽。時。送。客。歸。船。遊。魚。本。性。皆。
忘。水。飛。鳥。隨。緣。亦。信。天。安。處。卽。爲。賂。子。物。退。居。偏。
在。服。官。年。平。生。頗。近。蒙。莊。達。不。讀。南。華。內。外。篇。
擬。春。閨。怨
夢。覺。慵。開。口。粧。成。嬾。畫。眉。春。來。多。少。淚。猶。有。落。紅。

知。

閨思

人。倦。依。文。枕。天。寒。掩。畫。幃。紅。桃。花。易。謝。何。况。雨。兼。
風。

周南垣曰
取法盛唐

春陰

春。陰。濃。壓。畫。闌。干。今。日。寒。于。昨。日。寒。天。惜。百。花。開。
太。早。故。將。風。雨。小。留。難。

題藍瑛棧道小幅

滿目崎嶇路不平。迅湍危壁棧雲生。世間大有人
如畫青笠紅衫策蹇行。

絕句

綠陰深處一枝花。風正微時日欲斜。柳絮輕狂吾
見慣。東家飛又過西家。

送春

一杯香醞勸殘春。枝上流鶯惜別頻。綠暗紅稀小
庭館。恰無人到恰宜人。

十二月十三日薄暮送松雲先生于五老峯

五老峰邊獨送行。裘輕篷重棹低鳴。昨宵明月今
宵雪。正似人間聚散情。

法梧門曰。諸絕托興
遙深。不失風人之旨。

無聊

小院長廊獨悵然。無聊人是病纏綿。桃花流水楊
花雪。春老江南又一年。

陳浦筠曰。與樊榭先生。梨花雪後。醉醺雪人在。
重簾淺夢中。同一風調。
檇山詩話。素修堂集。五言摘句。亮月古時色。早
花春夜香。足音空巷屐。眼界小。窻書屬。艸耽蒙
被。尋花怯倚欄。禽聲來遠水。花影度輕煙。空庭
流水。緩荒徑。落花深。野田秋水白。村舍夕陽紅。

樂多。心。苦。衰。近。骨。常。酸。夢。反。從。心。欲。詩。多。率。
意。為。四。山。藏。落。日。萬。木。動。迴。風。綠。陰。臨。水。早。白。
晝。閉。門。長。小。窓。連。夜。雨。長。笛。滿。天。秋。屐。穿。紅。葉。
響。衣。帶。白。雲。潮。萬。竹。綠。成。海。一。峯。青。上。天。七。言。
摘。句。開。卷。盡。如。來。舊。雨。登。樓。幾。可。當。深。山。村。厨。
好。柳。邊。况。是。晚。風。多。春。水。渡。行。紅。袖。女。父。陽。村。
語。白。頭。僧。翡。翠。分。開。三。面。帳。牡。丹。齊。起。一。重。樓。
瓶。菊。結。成。遺。腹。子。盆。蘭。開。出。並。頭。花。偶。思。前。事。
空。追。悔。正。到。中。年。漫。感。傷。

儲潤書

玉琴江蘇荆谿人食硯齋詩

儲山詩話。荆谿儲氏。衣冠文物之盛。甲於江南。
二百年來。人人有集。玉琴蠟鳳之年。即以時藝。
古學。在王謝家庭中。別樹一幟。壯游南北。賢士。
大夫。高人。逸客。一見無不願交。玉琴亦無不知。
有玉琴者。廼淹蹇中年。始以學優。舉鄉貢。進士。
今將就選。作廣文先生。才豐遇嗇。不其慨歟。余。
風雅。交遊。中。為。人。性。情。溫。克。有。平。仲。之。風。處。富。
貴。場。不。為。習。俗。所。移。者。得。三。人。焉。一。即。玉。琴。其。
二。則。汪。進。士。澹。雲。江。郎。中。元。卿。也。玉。琴。曩。在。隨。
園。席。上。詠。六。月。菊。云。火。雲。烘。坼。一。枝。黃。河。朔。疑。
開。九。日。觴。秋。士。偶。然。輕。出。處。高。人。原。不。解。炎。涼。
葛。衣。入。座。貌。俱。古。竈。斗。移。栽。暑。頓。忘。好。是。北。窓。
窻。下。列。冷。香。扶。夢。到。羲。皇。簡。齋。先。生。歎。為。名。句。
獨。絕。一。座。閣。筆。又。有。卽。事。口。占。一。絕。云。溪。雲。才。
散。雨。初。晴。遠。近。樵。擔。盡。入。城。一。簇。筠。籃。籠。絡。緯。
野。人。肩。上。賣。秋。聲。過。見。山。書。屋。句。云。山。氣。作。寒。

啼鳥外春陰如夢落花初同汪劍潭掃紅閣夜
話句云素琴相對一再鼓新雁忽聞三兩聲并
極新雋有思致也

陵陽道中枕上作

孤眠警微響展轉夢易醒况乃波濤中頃洞弗暫
停及茲荒江畔街鼓遠莫聽開眼覺夜長消息參
晦冥燾微年移隙虛白漸逗櫺俄焉啓晨光旋乃
鑿物形風來若蠕蠕日出流熒熒長年已早作川
路又幾經披衣亟推篷豁目窮遠汀遙看雲起處
九朵芙蓉青

省姊梅林村居示姊丈徐卣銘

十首選四

梅。林。隔。狀。谿。去。郭。八。九。里。沿。波。劃。雙。槩。日。出。露。未。
已。菱。荷。風。冷。冷。蒹。葭。秋。瀾。瀾。望。裏。識。牖。扉。鷄。聲。樹。
間。起。危。橋。跨。枉。渚。一。水。剛。到。門。茆。茨。只。數。家。翳。然。自。成。
村。田。疇。環。其。前。後。爲。蔬。果。園。時。方。盼。雨。澤。但。聽。桔。
槔。喧。吾。姊。齒。已。衰。作。苦。惟。所。習。五。年。不。相。見。見。我。喜。欲。
泣。手。自。拂。厨。煙。盤。殮。俄。焉。集。何。能。罄。離。緒。暫。此。賦。

維繫。子婦不停織。兒童不廢書。阿翁田事畢。開尊共樵。漁谷口。鄭子真鹿門。龐隱居。何當謝羈紲。從子結吾廬。

袁簡齋曰。情景如畫。但從真率得來。詩與題稱。張紫峴曰。風格樸處。絕似君家太祝。調則似孟。

題顧滿怡詩集

平生愛吾子。人與詩俱真。契濶一攜手。浣我萬斛塵。嗟予久荒落。於學弗克振。焉能識君詩。聊以臆說陳。有如九秋月。清徹光轉新。又若三素雲。縹緲

流晴雲。飛泉咽絲竹。積翠蟠嶙峋。味美諫果回。息以幽蘭薰。天然去雕飾。卓爾惟精純。憶我從君遊。彈指三十春。君懷常浩浩。君語多肫肫。搖筆為詩。歌元妙。乃獨臻。至文在天壤。俯仰皆可親。至情感人心。奚間越與秦。誰歟抉其奧。君特會以神。探驪必及領。射蝨必貫輪。天機極其致。名理引以伸。胸有萬卷書。目無千古人。方今盛風雅。作者如積薪。門迷或五色。挽強或千鈞。一自讀君詩。斂手肯逡巡。西子出苧蘿。眾女敢效顰。仙人藐姑射。下視徒

跋。跋。君。其。自。矜。重。斯。道。多。荆。榛。不。有。知。音。者。誰。憐。
希。世。珍。

玉琴自註。知音。謂曾賓谷先生也。
顧。萬。怡。日。頓。挫。往。復。無。限。深。情。

訪黃小松司馬於沛寧不值遇於開河驛維

舟話舊飲至夜闌別後作此却寄

別。君。不。覺。十。六。秋。越。禽。代。馬。思。悠。悠。訪。君。倏。越。二。
千。里。露。宿。風。餐。心。靡。靡。聞。君。執。掌。殊。未。閒。已。分。咫。
尺。緣。仍。慳。寧。知。意。外。忽。相。見。駐。馬。停。帆。快。談。讌。君。
才。於。世。爲。棟。梁。盛。名。久。動。諸。侯。王。蒼。生。霖。雨。會。有。

托。豈。特。小。試。勞。宣。房。平。生。好。古。有。奇。癖。軒。頡。冰。斯。
誇。蓄。積。發。爲。文。章。非。一。家。奄。有。畫。師。及。詞。伯。任。城。
縣。南。風。景。殊。謫。仙。狂。客。昔。提。壺。知。君。暇。日。足。吟。賞。
司。馬。風。流。映。彼。都。我。來。已。過。吹。花。節。黃。菊。紅。萸。未。
能。折。逢。君。此。會。事。亦。奇。痛。飲。須。知。兩。情。悅。月。滿。河。
梁。雁。影。遲。醉。中。揖。別。夜。何。其。憑。君。報。我。荆。關。筆。寫。
取。維。舟。話。舊。時。

櫛山詩話。小松有金石文字癖。藝事多能。余初
識小松。實玉琴爲之介。今小松下世已久。讀此
不禁有聞笛
山陽之感。

與舍弟別

有。兄。依。不。得。何。處。更。依。人。可。奈。相。逢。日。依。然。逆。旅。
身。風。塵。三。匝。羽。滄。海。一。窮。鱗。去。去。兩。無。語。臨。歧。淚。
眼。新。

王雪圃日情至
語感人最深。

村居月夜懷法八辛侶

村。遠。犬。遙。吠。露。寒。蟲。苦。吟。孤。燈。凝。素。壁。山。月。上。前。
林。欹。枕。客。心。寂。捲。簾。秋。氣。深。無。因。覓。同。調。並。坐。撫。
璫。琴。

秋夜檢讀楊蓉裳寄懷舊作和韻却寄

盧。女。湖。邊。棹。如。何。盼。不。來。懷。中。三。歲。字。燈。下。此。重。
開。故。國。題。襟。侶。騷。壇。跋。扈。才。欲。因。今。夜。夢。問。訊。讀。
書。臺。

蔣心餘曰。格律
清蒼。一氣舒卷。

山行訪谷梓園于東潭村舍

村。舍。東。南。畝。知。君。第。幾。家。停。鞭。問。桑。者。門。外。有。梨。
花。劇。笋。堅。留。餉。刪。松。旋。煮。茶。舊。遊。兼。別。恨。話。到。夕。
陽。斜。

張竹軒曰。顛聯流動。玉琴又有月夜同法。辛侶泊舟句云。江樹杳無際。秋蟬何不平。亦妙。

過皖口有懷魯硯山星村伯仲

龍眠山色好。青到郡城邊。中有雲霞侶。相思近十年。風塵憐短褐。苜蓿老寒氊。安得同攜手。狂歌一扣舷。

義興歸舟即事雜感 十首選六

于役幾千里。辭家近十年。茲晨理歸棹。祇覺路綿綿。鄉語通漁唱。村名辨爨煙。翻疑初問俗。曠覽一茫然。

十里和橋市。燈明打槳過。方言雜農賈。報賽有笙歌。稔覺閒民少。勤知生理多。何當息征轍。于此卜

煙蘿。喬木餘先澤。荆花念舊株。誰非彈鋏者。竟使立錐

無星月。勞三匝。風煙戀一區。茫茫重交集。搔首獨

踟躕。白雁三秋客。青衫廿載塵。蓼莪悲少日。風木感蕭

辰松徑。茲重展。椒漿黯獨陳。一抔猶未定。泚頽愧

為人。

絕云。送春兼賦渭城篇。我亦潯陽又放船。一種多情舫樓月。照人偏憶杜樊川。

漢上秋懷

衰柳藏門逕。蒼苔沒屐痕。昔時吟賞處。舊侶幾人存。尚憶青蓮寺。遙連黃葉村。詩情兼旅抱。欲覓遠公論。

玉琴自註。結謂涇江上人。

巴上訪族叔良山話舊

門外落花深。谿頭曉漲平。其人長不出。但有讀書聲。以我掀篷至。欣然倒屣迎。依依一尊酒。話到月

三更

病中寒食

藥鑪茗椀掩柴扉。小病連朝減帶圍。令節忽傳當熟食。風光差欲試生衣。居憐燕子依人慣。坐惜桃花作雨飛。晚晚芳心誰可語。平原無那又斜暉。

湖上探梅同汪容甫汪劍潭方笠塘汪繡谷

作

幾家池館接山根。打漿沿洄遍叩門。天氣乍晴花稱意。綠波陡漲草無痕。多情伴侶如鷗狎。最好風

光似酒温一路寒香半鉤月泥人不到黄昏

早春登黃鶴樓

廣莫微風散早鴉。闌干初日上晴霞。人煙貼地喧
聲小。雉堞環江曙色斜。雲擁碧山連五管。雪消春
漲下三巴。誰知獨立蒼茫意。根觸鄉愁感物華。

和花薑先生詠菜花二首

周相山中夜雨晴。庾郎門外夕陽深。風光纔過湔
裙會。花信先酬抱甕心。頓覺穠華傾綠野。不妨糞
土視黃金。農家春色茲為最。蜂蝶尋常莫浪侵。

冉冉黃雲漾遠空。橫塘路上枳籬東。漫疑叢菊三
秋老。襯出天桃一簇紅。香直到根關食性。花能勝
葉見春工。齊民要術憑誰檢。看遍山村二月中。

過小松司馬任城官齋留贈

倪迂清閤三層閣。白傅匡山六一居。別有風流寄
吟賞。絕無宦橐只圖書。石經已復鴻都舊。竒字還
窮邃古初。有客正同碑版嗜。囑將新得報雙魚。

玉琴自註。未
謂孫淵如。

宿君山黃泥菴題壁

待趁朝潮放短篷。且停晚策叩花宮。蟬吟一院藤蘿月。人語隔谿荷芰風。靜夜益知城市遠。清齋轉訝果蔬豐。十年舊話憑誰述。曾此聯吟共已公。
玉琴自註慧海上人昔主講於此。今已下世十年矣。
張竹軒曰。摩詰東川之妙。此為得之。

哭方蘭嶠

息轍年來賦考槃。病魔偏使減清歡。茶煙不共春風暖。碁局空銷夜雨寒。最恨俠腸知己少。劇憐傲骨入時難。林宗巾角元瑜屐。留與邦人仔細看。

過慧照寺展林奕眠棺感賦

几榻琴書伴一棺。幽棲依舊屋三間。只如謝却人間事。低首空王不出山。

夏芳原曰。排調出之。過於痛哭。

雨後渡江

琉璃纔拭鏡新磨。卅里川途瞥眼過。輸與吳孃一枝櫓。不知江上有風波。

意甚忻然。蓋將有終焉之計。同時次韻送者數十人。余詩獨贊其去之勇決。儲玉琴明經以予為知言。而叔雅亦以為然也。第四首兼懷陶三澹山。陳八浦筠兩詩人。皆山陰人。新昌同郡也。常潤道中憫旱謠 五首

河。流。乾。釜。見。底。人。陸。行。三。百。里。大。冶。鑪。鎔。焦。土。蓬。
塊。漫。空。打。衣。如。雨。
練。湖。涸。賀。湖。竭。閘。不。修。漕。亦。遏。田。仰。水。不。得。入。兩。
郡。之。民。其。何。以。粒。
圩。田。豐。原。田。儉。不。平。事。天。翁。歎。苦。我。民。踏。水。車。咿。
咿。軋。軋。如。語。萬。鴉。

車。兒。多。河。水。少。視。疆。界。爭。分。秒。車。梯。接。達。高。田。水。
從。地。上。若。降。九。天。
八。月。頭。七。月。尾。田。坵。裂。禾。稿。死。天。縱。雨。索。枯。魚。官。
來。遲。遲。得。減。租。無。
虹。橋。燈。船。行。
平。波。十。里。收。蝶。螻。繁。星。亂。落。菰。蒲。叢。奔。騰。光。怪。出。
水。上。銜。尾。折。鬣。驅。蘋。龍。虹。橋。勝。地。富。煙。水。遊。人。雜。
杳。如。輕。鴻。日。吉。辰。良。花。事。好。豈。惜。高。價。租。雙。篷。城。
闐。市。燈。日。有。例。一。呼。百。諾。趨。羣。傭。女。媧。煉。餘。補。天。

石碧深紺淺白間紅琢成琉璃燈萬個方員凹凸
形製工船頭檀板船尾笛窻櫺盡拓珠排空金烏
欲沒蟾影缺散落尙在虹橋東初從林樹穿曲折
旋過樓閣窺玲瓏一點兩點賸太白千枝百枝鞭
祝融爛銀盤盛赤瑪瑙葩華四照馮夷官霍如田
軍燒火騎倏若吳壁收艤幢方船競進淹暑刻琲
帶霞幙來相逢好事從來不常有夜游秉燭徒匆
匆城魚未鑰遊客返月色兩岸煙濛濛零星漁火
銷不盡女墻官柳烏啼風

陳耳盒曰虹橋燈船夏秋最盛讀此一過恍復置身荳汀蒲蕩間也

望嶽

二首選一

天孫于此治羣神端冕垂旒望若真大氣彌綸青
帝宅元精包絡素王鄰濟沂汶泗歸懷抱鳧繹龜
蒙作齒唇七十二君今寂寞久無封禪詔廷臣

吳竹橋曰可與獨漉山人抗衡

錢塘懷古

殘碑歷劫土花斑錢趙遺宮鎖獸環霸國軍容錦
繡樹小朝文物鳳凰山歌傳緩緩桑疇外樂奏泠

冷松雷間一樣江潮管興替前何汹涌後何屏

秦松嵐曰中二聯分頂錢趙結以江潮雙收既有思致又極生新

石頭城

客到南都感慨生西風吹上石頭城地開王氣諸
山入潮沃神準六代爭駭綠紛紅留梵榜斷煙零
粉泣秋英當年鐵鎖猶無用虎踞龍蟠浪得名

姑孰道中雜咏十首選四

重鎮當年幕府開熊羆談笑贖高臺若非九錫紛
紛議濟物中朝第一才

山光圍合想元嘉立馬看碑日欲斜宋祖歌臺今
寂寞紅紅白白木棉花

謫仙仙去傍星辰生慕元暉死結鄰空說有金鑄
賈島青山題墓屬何人

池臺空想樗寮勝煙月還如杜牧無今日冶春都
冷落小西湖過又于湖

江行四首

匡廬面目最難真天許看山有宿因今日無雲又
無霧鬚眉五老各精神

黃赤城曰
神來語

金○泥○玉○檢○降○褒○封○神○女○班○纔○視○郎○鄜○管○領○潯○陽○潮○
上○下○大○姑○淡○冶○小○姑○濃○

湯秋林曰文心剝十
重蕉乃克臻此老境

巾○幘○英○雄○別○恨○長○葬○身○魚○腹○節○堂○堂○永○安○未○命○猶○
還○蜀○較○勝○摩○笄○殉○代○王○

運○租○船○上○驚○人○句○捉○月○磯○頭○爛○錦○袍○佳○話○千○秋○兩○
輝○映○江○山○如○此○稱○詩○豪○

豐城道中

金○花○潭○水○最○多○情○寒○色○今○朝○滿○縣○城○啼○鴉○一○聲○青○
艸○合○斜○風○細○雨○近○清○明○

釋竹軒曰諸絕以道練
勝此作又似漁洋山人

金。芬。水。最。多。部。矣。會。今。陳。謝。練。如。此。一。概。書。
柳。合。採。風。賦。山。影。若。畫。
細。地。竹。又。如。新。山。人。
韻。竹。神。月。影。如。畫。
金。芬。水。最。多。部。矣。會。今。陳。謝。練。如。此。一。概。書。

吳煊 退菴江西南城人菜香書屋詩草

楮山詩話退菴與弟白菴以詩古文辭書畫齊
名江右樂先生鈞所謂二陸皆躍雲之龍而平
原先步兩到若凌寒之竹則茂灌早拔墳篋互
唱花萼成編者是也曾賓谷先生序退菴詩有
云菜香書屋余幼學時數遊之地而退菴兄弟
所居也蔬圃一區分其半為書舍退菴與弟白
菴促膝聯吟于其中有客必留罇酒論文殆無
虛日余忝世好故常往焉比余官兩淮延退菴
於題襟館數共晨夕遊讌不少所益多其詩
古近體皆工而五言尤深得唐人三昧余嘗謂
白菴有兄若此不第西樵之視漁洋也白菴序
曰余年九歲從兄學吟詠兄時年十五所作已
百餘首錄成一冊即又截竹紙為余裝一小帙
題曰照南詩艸復為余作詩序一篇彙中詩僅
六七首而已兄每為余言古人作詩必有數
因同往市上購買全唐詩宋詩鈔宋詩紀事元

遺山中州集及顧俠君所選元詩三集以及諸
 大家名家有專集者朝夕披覽取舊所作則焚
 之即又補舊題成一帙過數日又焚去又補作
 是時吾鄉無談詩者兄弟自賞晰而已陶適齋
 先生歸田後乃執弟子禮相從就正而吾南城
 令郭根荈先生即墨名士也復往師之兩公歎
 賞不置遂益肆力焉兄之詩思精而情婉當時
 送根荈先生歸即墨五言一首見者皆擱筆其
 詩曰夫子今行矣河干新水宦途雙鬢老歸
 路一帆輕江樹煙中沒鄉山海上明迴看官道
 柳攀折不勝情和而婉
 響非儒促洵唐音也

春日齋中讀書

幽居罕人事。園林風日晴。萬彙益春氣。艸木欣向榮。
 禽鳥亦應候。相和時一鳴。中心浩有得。屏跡絕

塵營耳目所不雜。几席有餘清。浩歌古之人。夢寐
 歡平生。

釋竹軒曰。具體陶韋。

題曾賓谷農部西谿漁隱圖

春水接平蕪。烟波漾夕艇。透迤古蕩間。愛此西谿
 境。宛爾碧玻璃。風動散花影。此間結精廬。懷抱亦
 可騁。有時把竹竿。獨釣溪雲冷。非魚却知魚。樂意
 誰能領。如何畫省人。早自思恬靜。披圖見素心。令
 我俗情屏。

楸山詩話。余謁賓谷都轉於邗上。酒間出示此圖。因次汪劍潭司馬金縷曲韻。題一闕云。漠漠花光。暝滑清谿。春流碧玉。前塵重省。十八里。梅剛盡放。中有幽人一艇。釣漁隱。更兼花隱。今對潁濱。思玉局。展鷺谿。想像臨流。影嗟大夢。久驚醒。一雙空手。絲綸整。莽江淮。無邊風月。需公管領。寶篋中流。方自在。謾擬載將。答簪。休便想東山。高枕。一棹煙波。須見讓。且狂歌。漁父娛公。飲濟川。用定。俄頃。玉局。謂都轉。令兄蘇山先生也。一雙空手。用唐六如贈王文恪詩。同在太平天。子世一雙空。手掌絲綸。

桐廬道中

前山復後山。兩岸青紛沓。一氣蒼翠中。碧水流寒峽。崖樹挂白雲。澗壑飛秋葉。來帆去不知。萬轉峰

重疊。十年七過此。塵事日煩雜。來往急行途。那容幽賞愜。茲焉謝時務。息心理。釣楫豈云仁。智樂足供耳目。接日暮。倚低篷。西風吹白裕。

儲玉琴曰。春容清亮。似劉長卿。

山中枯坐。隨所聞見。觸意即書。語無倫次。得

詩九首 選一

吾黨多英姿。一士于于前。常時不冠帶。得酒歡陶然。傷哉貧既甚。乃肯我周旋。對之數晨夕。妙處或忘言。豈惟愜幽趣。亦足披膽肝。乃知真豪士。不在

縱橫間

黃赤城曰。結妙。閱歷久之乃知。

別離廟

一。會。卽。成。別。何。如。不。會。良。一。別。不。再。別。此。別。毋。乃。
長。亂。離。寡。舊。識。仙。家。無。故。鄉。况。茲。薄。命。人。甘。心。却。
紅。粧。謝。我。閨。中。友。屏。我。翰。墨。場。古。觀。依。榛。莽。淒。清。
海。曲。旁。空。中。招。白。鶴。松。下。煮。黃。梁。身。世。兩。訣。絕。寧。
牽。聚。合。腸。仙。乎。不。可。卽。令。我。閨。然。傷。翻。嫌。有。遺。廟。
名。意。未。能。忘。

退菴自註。廟在石港西北村。順治初。女冠吳輝。宗所居。輝宗。長洲人。名琪。字藥仙。吳挺菴方伯孫女。有詩才。夫死。避亂。至如臯。與閨秀范洛仙。周羽步。相唱和。晚依女史宗芳。老於此廟。冒巢民率同人過訪。因題曰別離廟。

月夜 二首

皓。皓。海。上。月。掛。我。樹。南。枝。樹。影。散。在。地。明。月。浸。我。
衣。空。庭。冷。露。濕。屋。角。秋。螢。飛。寂。坐。罷。塵。想。有。客。來。
荆。扉。
客。來。喜。不。速。夜。靜。涼。無。煙。清。景。淡。如。此。中。心。與。之。
然。相。對。各。有。得。置。酒。庭。除。前。幽。吟。懷。往。哲。河。漢。微。

雲邊

釋竹軒曰此又得王孟神理

春夜風雨大作

東風不肯吹花開。怒飛沙石聲如雷。矮窻夜半不敢卧。三間破屋愁傾頽。縱縱檐瓦雨奔瀉。燈昏鼠齒牀下凄然。四壁悄無聲。蕭蕭孤客何為者。一重簾幙綠窻深。閨人夢醒愁寒衾。那知蒼髮天涯外。躑躅空齋更漏沉。

世畊堂古劍歌。劍為周都闔名棠故物。明季

史閣部麾下城破死焉

將軍身死名不死。報國之劍貽孫子。繡花錯落吹腥風。一片雪霜血殷紫。想見百七十年前。白骨支撐淮海水。虎氣飛騰龍怒纏。陣雲黯慘城頭起。白晝無光星火迸。大纛旗翻事去矣。海上有家不肯歸。空留三尺還鄉里。鄉里傳聞說少年。好勇負俠明仇恩。昔有周處此。其繼忽事鞭筆腰。橐韆壯士決不安。屈辱萬夫突騎橫。無前時移事改。功不就。衣冠開府埋寒煙。猿鶴沙蟲同一化。興亡自昔吾

悲○焉○我○輩○置○劍○但○飲○酒○花○光○樹○色○搖○晴○天○

送舍弟照南之南昌

少○小○為○兄○弟○與○君○那○暫○分○西○風○吹○落○葉○千○里○此○離○
羣○秋○淨○江○頭○水○寒○生○馬○首○雲○臨○歧○頻○執○手○涕○淚○灑○
紛○紛○

雨中

幽○居○慵○不○出○十○日○雨○傾○盆○屋○古○添○新○漏○苔○深○過○舊○
痕○江○聲○喧○到○枕○雲○影○靜○依○門○聞○道○魚○鰕○賤○隨○時○佐○
酒○樽○

送丁拙莊之桂林

零○陵○漢○時○郡○送○子○念○離○羣○棹○鼓○湘○江○水○衣○衝○桂○嶺○
雲○俗○蠻○花○少○艷○春○煖○瘴○添○熏○去○此○無○鴻○雁○音○書○不○
易○聞○

陳浦筠曰清音亮節的是唐人

與舍弟渡江

推○篷○初○見○日○解○纜○卽○乘○風○山○色○江○波○外○人○家○浦○樹○
中○不○知○滄○海○濶○頓○覺○地○天○空○有○弟○能○豪○興○高○歌○氣○
獨○雄○

法源寺看花和曾農部賓谷韻

不。放。春。光。去。看。花。古。寺。來。東。風。如。見。約。昨。夜。正。吹。
開。欸。欸。逢。僧。話。遲。遲。任。僕。催。故。人。得。佳。詠。相。賞。發。
新。醅。

雨夜寄懷舍弟湖北

總。是。飢。驅。誤。長。教。見。面。稀。中。宵。聽。夜。雨。兩。地。感。征。
衣。短。髮。身。將。老。躬。畊。願。久。違。烹。糲。思。屋。漏。涕。淚。向。
茅。扉。

退菴自註。少小家居。天雨屋漏。先母因謂曰。常聞四書。有在陋巷三字。爾兄弟作此題。我為兒

烹一伏雛。蓋誤以陋為漏也。
王印潭曰。真性情語。足抵東哲補亡。
徐荇圃曰。此合陟配鶴令而為一章。
者。讀之。令人孝悌之思。油然而生。

獨坐

片。雲。風。四。捲。飛。雨。滿。前。山。小。閣。無。來。客。先。生。正。掩。
關。花。繁。春。易。老。心。靜。晝。多。閒。獨。抱。樽。中。物。相。將。作。
笑。顏。

鄭青野曰。結極趣。寂寞無聊時。確有此等消遣法。

悶懷

殘。夢。醒。何。處。凝。思。獨。泣。然。誰。能。消。病。渴。長。此。抱。愁。

今詩所見集選
三
眼○落○絮○猶○纏○樹○閒○雲○忽○在○天○別○無○埋○恨○法○我○意○欲○
安○禪○

自遣

故○鄉○非○昔○日○况○是○故○人○稀○無○地○堪○為○客○長○貧○未○易○
歸○空○庭○下○木○葉○海○氣○冷○秋○衣○安○得○長○鑿○柄○山○中○劇○
藥○肥○

聽漁館圖為陳十村題

背○水○三○間○屋○圍○空○四○面○花○一○聲○漁○唱○起○餘○響○落○山○
家○舊○雨○三○秋○散○新○情○兩○鬢○華○閒○盟○到○鷗○鷺○我○亦○泊○

天涯

別石港諸人

海○畔○三○年○住○故○園○千○里○歸○相○看○共○明○月○獨○去○掩○柴○
扉○容○易○別○離○老○艱○難○心○事○違○丈○夫○原○有○淚○不○肯○灑○
征○衣○

顧萬怡曰凝練沉鬱却以
容易出之此見作者本領

湖中煙雨

風○急○浪○花○麤○濛○濛○雨○一○湖○帆○飛○向○天○盡○山○折○入○雲○
無○忽○自○平○橋○轉○還○驚○野○戍○孤○晚○來○煙○正○暝○疑○是○米○

家圖

雨後登退思樓晚眺
花園錦砌樹圍屏。四面煙光透畫櫺。下上鳥吟空院翠。參差山送一樓青。人凭曲檻初收雨。天散微雲乍見星。登眺儘容吾輩醉。晚鐘衙鼓未須聽。

退菴自註樓在彰德通判署

覃懷道上

霜風颯颯暮雲收。萬里關河感浪遊。天外雁聲秦塞冷。馬前山色太行秋。來從紅樹穿村舍。遙向青

帘認酒樓。路入覃懷問遺跡。斜陽衰艸弔潮州。

退菴自註修武有韓文公墓

將之粵東留別諸同學

二首選一

東指羊城路。幾千啼猿不斷暮。江邊行經瘴雨蠻煙地。到及江梅臘雪天。夢裏定知尋遠道。意中未敢數歸年。明朝分手離亭冷。相對魂消各黯然。

周南垣曰情緒纏綿彌深襟歎

與照南夜話

鑄金說劍兩無成。坐對清宵話短檠。一徑蒼涼沉

今言所見集選
月色百蟲淒切作秋聲吹竽濫已同南郭賣賦窮
還類馬卿挫盡雄心羞起舞不堪耳畔聽雞鳴

呈賓谷都轉

歸卧青山客未能鏡中塵狀我先憎半生蹤跡空
湖海垂老心情仗友朋一笛西風花似綺二分
月酒如澗煩君爲我招雲鶴親到瓊霄最上層

儲玉琴曰典重風華
在集中另是一格

錢唐觀潮

浪湧轟聲勢若雷前波轟起後波催直教天地秋

容壯真有英雄怒氣來萬里流雲連島嶼一江飛
雪濺樓臺海門倒峽言堪信鐵弩如何射却迴

雁來紅

一朶紅雲雁帶來西風吹落古牆隈不爭春色爭
秋色知門清才門艷才青眼有人收錦碎白頭爲
爾對顏開相看不飲休歸去往事今傷首重迴

雨夜

雨聲蕭颯客心孤亂打空窻點點麤水并急潮專
夜怒風兼落葉戰霜枯長懷秋塞人南北獨對殘

燈○夢○有○無○二○十○年○前○一○椽○屋○傾○談○便○已○薄○江○湖○

照○南○復○有○蘇○州○之○行○相○送○於○石○頭○城○畔○作○贈

行○詩○三○首

送○君○從○此○去○前○日○來○時○路○記○得○望○君○來○三○朝○又○三

暮

楞○伽○寺○外○山○新○郭○村○邊○柳○畫○作○石○湖○農○畊○桑○常○在

口

江○水○流○朝○暮○江○中○多○鯉○魚○南○來○得○鄉○信○莫○忘○寄○封

書

暮○色

暮○色○平○連○翠○靄○間○疎○林○一○帶○鳥○飛○還○炊○煙○不○斷○和

雲○起○遮○却○谿○南○幾○尺○山

淮○安○道○中

艸○籬○茆○舍○夾○江○津○柳○色○依○依○漸○覺○春○自○倚○篷○窻○看

暮○色○不○知○身○是○畫○中○人

自○題○山○水○簞○頭

欲○買○幽○棲○半○角○山○前○臨○溪○水○結○柴○關○小○橋○一○道○垂

楊○外○時○有○詩○人○日○往○還

遊爛柯山 四首選一

為訪青霞八洞天。風湍一葉剪寒煙。仙人莫笑凡夫俗。得到看山便是緣。

退菴自註。山為晉王質遇仙弈棋處。道書為青霞第八洞天。

題如準江片石詩鈔 二首選一

才到名高是劫魔。古人詩好福無多。直教五百餘年後。定有旁人喚奈何。

築舍成題壁 三首選二

新築茆茨屋兩間。背依高樹面臨山。回頭一笑呼

兒女也。算衰翁。瓶業艱。

老幹槎枒一樹梅。半枯半活倚墻隈。東風有力迴

花氣。管為詩人取次開。

櫛山詩話。菜香書屋集。五言摘句。冒雨行舟云。水驛干帆雨。湖天一鴈秋。山中寒夜云。月色臨窻靜。灘聲入夜高。午夢云。東風吹雨暖。花氣襲魂香。同友人夜話云。一燈留瘦影。對雨共秋心。月夜水閣云。花香蒸水氣。月色靄春烟。言歸云。細雨秋飄冷。孤燈水閣寒。晚泊錢塘江云。海天環地潤。江月浴潮圓。虹橋泛舟云。秋空山色裏。寒到酒杯中。憶家人云。出門驕白髮。失路哭黃金。七言摘句。登益藩故城云。雲收野外諸峯出。秋迥天邊一雁來。送鄧石潭先生之廣州云。馬上鶯花三月暮。舟中煙雨一春吟。遣懷云。烟寺鐘敲鴉散後。苔階蟲亂月明初。客瀘溪講院作。

今言所見集
云。人來。畫閣初歸。燕春老。山城更落花。歸途阻
雨。云荒村茅店。人初定。短榻孤燈。夢未成。衢州
憶舍弟。湖北云。半世江湖。生白髮。何年蓑笠。買
青山。舍弟九日至衢州。和韻云。對菊宛然。茅舍
酒。登樓如看故鄉山。漫興云。正自嘯歌。千載上
何妨。姣風雨。萬山中。浦城道中云。澗雪乍消。寒溜
無迹。小艇浮烟。畫不成。黃葉云。滿天疎雨。明殘
照。一角黃雲。補亂山。客懷云。千里
夢魂。鄉路冷。一庭霜。葉客心乾。

江紹蓮

依濂安徽歙縣人梅賓集

曾星村曰。壬寅仲夏。梅賓來皖城。為江蕨畦郡
伯。校閱試帖。暇同泰州仲松嵐。青陽章華岩。在
過養園。文酒竟日。梅賓乘醉賦詩。有窻入堞。雲
籠晚翠。樓迎江水。下斜陽之句。情景如畫。
儲山詩話。梅賓性穎悟。豁達不羈。其尊人愛山
先生。以韜畧起家。官袁臨連帥。寄情詩酒。雅歌
投壺。古名將無以過也。梅賓承家學。以文名。弱
冠有聲。鬢序而帖括。以趨俗為恥。好古耽吟。于
夜不倦。年三十時。已讀萬卷書。作萬里遊。故于
登臨。弔古之作。最雄健。五律。矜鍊。胚胎唐人。七
言。律絕。復極秀韻。他著述亦多。而披芸漫筆。一
書。稱博雅。吳穀秀。韻先生序云。梅賓擅鈎沉之訣。
操記事之。觚。兩卷檀弓。能知物始。三篇倉頡。悉
證字原。丹鉛不疲。黃墨尤謹。楊雄之油。素四尺。
白傳之陶瓶。七層用代。萱蘇自成。馨逸模山。範
水而咸精。冠述履絢。而不愧。千辟萬灌。安石掇

其碎金。十色五光。昭明抽其錦帶。多識于鳥獸。艸木以顯其文物。聲明切理。厭心于斯。爲信。

同家雅南先生遊梅子山石壁作歌

倒影芙蓉一千尺。嵌空疑是五丁闢。不則漢水會。經此入江洗去泥。封撐石脊凹凸驚。看濁浪痕破。裂恍現蛟龍跡。長漢東移隔大隄。一片明湖空浸。月。但來簫鼓泛煙波。山在荒隅鮮遊涉。我來江上訪名區。探幽屢破遊山屐。雅南先生復好奇。導向湖濱穿石隙。盤渦巨浸露鮫宮。橫亘圍屏渾削鐵。澤涸無煩荔苟驚。摩沙得遣烟霞癖。突兀山根猛

獸蹲。清冷澗底絲絃別。壁上龍蛇欲攫人。凝神細辨鍾王格。咫尺從來祕奧區。遊筇到此驚魂魄。噫吁嘻。愁轉結。撫景翻教弔疇昔。君不見山頭老屋。贖仙蹤。石級嶙峋迷曲折。高山流水古臺陰。一闕瑤琴聲已歇。黃鶴乘雲鸚鵡飛。千秋難與鍾期接。悠悠今古少知音。郎官不至誰傳說。與君遊得提挈不須酒。泛琉璃碧狂來使我心。腸熱來朝更上梅子山。煙雲直令雙眸裂。

林曉岑曰。起勢突兀。結有餘力。

遊高座寺

南朝四百八十寺。貝闕珠宮等鱗次。膏腴割盡供僧寮。寺額題恩旨。賜臺城往事休。理論求福事。佛佛無恩。天花雨罷。金甌碎丈六。金身也不存。人說高座寺。最古寺。門老樹蛟螭舞。金碧摧殘殿角昏。疎鐘幾杵撞暮雨。中有五百阿羅漢。迴廊迂折。憑眺玩當年。布地盡黃金。香積無烟僧漸散。我來剛值秋暮時。曲徑尋僧愛訪奇。夕陽隱隱沉閣下。一聲清磬助吟詩。

姚夢香曰。
波瀾老成。

殺虎行為袁將軍作

將軍逸其名。事在乾隆丙戌秋。族兄蕪睦。時攝郡守。欲為立廟。以遷去未果。命余作詩記之。

靖州猛虎晝食人。七虎並出陵州城。彌月噬人不。知數四野蕭颯幾無民。日光未黑戶盡閉。風響惴惴。思藏身。誰能殺虎祛虎患。分防把總袁將軍。將軍將軍身材短且小。矯健精悍誇無倫。戈矛刀劍弓弩。

今言所見集選
矢武勇一少習成家傳火銃更超絕殺虎奚用
將他兵主將羽檄將軍到手提火銃南山行黑風
勁疾林木吼黃茅亂捲飛沙塵負隅那待深入穴
攔路直與人相爭將軍從容發虛銃誘虎虎立前
抗衡鉛丸繼進洞喉咽四虎連殪三虎奔居民羊
酒遮道候將軍笑謝還山屯將軍無心虎有意蹤
迹旋到將軍營人虎讐怨不兩立將軍負銃時微
巡一虎撲面肆吞噬銃遺引火將軍驚擊虎有力
仗銃鐵立斷虎脛猶斧斤兩虎怒哮夾道進左右

捍格旋車輪虎弗勝人虎計出一虎遽去如逃羣
乍喜勢均堪力敵去虎牙爪背後伸爪臂臂裂臄
隻手握銃反拗虎立傾留虎奮躍勢蓋頂智窮時
蹙身命輕頭撞虎胸虎氣絕將軍同斃荒山阮鳴
呼將軍神武有如此連殲七虎如屠豕將軍生與
虎無讐不憚捐軀爲民耳牧民之吏如將軍虎應
渡河同避徙區區殺虎虎縱除太息將軍身獨死
黃赤城曰前四虎死於火銃獵戶尙能爲之後
三虎死於無火之銃隻手之銃將軍之頭此則
虎蒼書中從來殺虎所無者將軍神勇真不可
及已此詩叙次分明覺袁將軍至今不死

今言所見集選 卷十四 吳

乾州迎春賞苗歌

苗疆迎春文武官並集東郊設筵慶春盛
陳兵衛以示威也民間例排雜技許苗人
縱觀官賞以牛酒歲乙酉家君鎮乾州余
以省親留侍觀風物熙恬喜太平景象用
紀其事

東風乍轉春熙熙郊圻氣燠春日遲將軍司馬布

德輝州無牧置協鎮迎春盛典循禮儀土牛之制

創自誰弁吏齊邀嚴職司畫旂金戟整隊隨龍涎

蠟炬導鼓吹東向拜禱太皞祠五風十雨靖邊陲

為民祈福慈愛垂父老感激前致詞太平有象百

事宜悉索藝巧供壇壝飛竿傀儡校妍媸秋千忽

起空際飛天仙聯袂飄虹霓彎弓立馬馬疾馳矢

發陡落青楊枝或則高絕技推兩兩繩頭爭逞

奇風鷄氣毬走小兒束茅作鞮足踢嬉各各奏技

祝令禧大官小吏笑舒眉對之神悅酒共持金錢

布帛酬力疲下令行營振鼓聲招來四境苗觀之

百戶幾員跪階墀領苗土司口銜號令麾紅旗大

今詩所見集遺
言告向羣苗黎都盧咽轆聲啞咿似說官恩到蠻
夷苗人歡喜咸來窺男女老少兼孩提男釋負銃
藏坡坻織刀有禁蒙獐皮近城禁苗人持刀銃絳緣青黑短
褐衣銀篋貫髮髻若椎布縷纏腓過腹臍厥狀醜
好類不齊翩僂間亦饒英姿女貌魁癭鮮麗姬背
壓篋籠雙臂支籠中呱呱聞嬰啼兩耳重環垂及
頤插髻銀梳雜釵筭揜胸繡襖肩紛披銀圈約項
看纍纍箚裙跣足無禪鞵裙攢花錫防風歌長條
彩縷拖參差章裙挽臂意態癡山崗谿寨以類攜

居岩壑日尚快心饜日歡無涯光天化日慶晴曦
在平野日寨賜以牛酒香糗資崩角稽首心歸依苗雛鼓舞婦
笑啞芳郊三五相逐追蘆笙竹拍敲銅絲類洋都
都土物互饋遺稱米團日都都歸途小語叙寸私共道千
載逢軒羲我聞槃瓠窟西陲獐狴之性同虎貔種
類紅白花黑歧以衣辨色族差池蓄髮露頂刪髻
髭盤踞永筮跨五谿倚岩架木棲茅茨手春土曰
供日炊食隔宿春米腹卽楚生割黃牛燎充饑蝦蟆鼠醬調
菹鸞疾病做鬼陳牲醢祈禱曰做鬼跳鼓藏後放野期

秋成賽神曰跳鼓藏言跳舞鼓歌慶蓋藏也祭畢
 男女末婚嫁者羣赴山林唱歌自透匹偶私狎弗
 禁歷數晝歌聲訂約婚無媒拏人伏艸構怨訾
 夜日放野則羣伏路隅捕讐輕生健鬥死如飴殺傷
 寨有隙以待贖曰伏草拏人輕生健鬥死如飴殺傷
 囚之以待贖曰伏草拏人輕生健鬥死如飴殺傷
 互抵餘償貲倒骨有價莫或欺爭鬥殺人各以數
 骨價不償則近來沐化俗漸移居營瓦屋門裝楣
 又伏草矣一施雞豚速賓堆盤匝婚姻納聘牛
 足底履襪時一施雞豚速賓堆盤匝婚姻納聘牛
 酒豨華言漢字咨經師苗新例設惟有强悍未易羈
 冤家械鬥靡已時報仇日為告後來守土知挖揚
 聲教勤撫綏苗性感德罔畏威威令脅迫生亂機

帝。廷。干。羽。海。字。思。誕。敷。文。德。萬。世。基。

孫芷鄰曰苗俗苗情寫來如繪可抵一
 部尚谿織志篇終不失風人立言之旨

香谿

紅顏能衛國。千古飲香名。尚有臨粧處。春風芳艸生。我來停畫舫。懷古繞谿行。多少溪邊女。明眸照水清。

清霽亭曰。此昭君村也。只首一句點題。是避熟就生法。足稱老手。

黃陵

破廟懸崖頂。舟人指不迷。上灘風愈急。未午日偏西。亂石蒼苔繡。平沙苦竹齊。傷春更懷古。淒絕鷓鴣啼。

巴東

金字山前路。連營壁壘開。但虞風鶴警。不覺夜猿哀。樹色層層合。江流曲曲來。酒闌頻看劍。深愧濟川才。

林曉岑曰。非余久在軍中。不知此詩領聯之妙。

懷西

杜老浮家處。高齋址尚存。人烟開萬井。樹影罨遙村。賓叟催畊急。猿奴伐木喧。感時嗟盜賊。往事憶留屯。

鐵梅菴曰。通體學杜。第三句尤有氣象。

從軍雜詩 三十首選四

天○武○神○威○秉○太○阿○那○容○烏○合○有○妖○膺○年○來○正○歎○髀○
 生○肉○拋○却○青○衫○合○荷○戈○
 畫○戟○宵○懸○峽○月○孤○牙○旗○春○捲○棧○雲○徂○頭○銜○便○暑○千○
 夫○長○刁○斗○聲○中○立○馬○呼○
 小○隊○鄉○民○義○憤○宣○橫○戈○躍○馬○猥○居○前○三○河○勁○旅○休○
 相○謂○投○筆○終○軍○愧○少○年○
 征○輦○動○地○掃○妖○氛○吉○語○先○傳○待○策○勲○慙○愧○不○如○磨○

盾○手○微○名○只○在○鸛○鷺○羣○

張紫峴曰。壯鬱似北地。可與近日鄭靜山觀察林曉岑刺史軍中雜詠并傳。

